

Bismillahirrahmanirahim

*Izdavač*  
Fondacija "Lijepa riječ", Konjic  
*Za izdavača*  
Esad Bajić

*Lektura i korektura*  
Jasminko Šarac  
*Tehnički urednik*  
Ale Pužić  
*Design*  
Acid DTP studio Stolac

*Štampa*  
Sabah-print, Sarajevo  
*Za štampariju*  
Anel Elezović  
*Tiraž*  
300 primjeraka

Jasminko Šarac

# Nuhova lađa

Konjic, 2015. godine



## SNAGA LJUBAVI

Prije svakog razmatranja ljubavi kao tipično ljudske osobine (mada je imaju i ostala stvorenja na jednom nivou) valja podsjetiti kako je prema drevnim Istočnjačkim učenjima vrijeme u kojemu živimo tamno doba (Kali-Yuga), odnosno ahiri zeman (posljednje vrijeme) prema Islamskoj koncepciji svijeta. Pošto je danas aktualno nasilje sa Islamskim predznakom potrebno se vratiti u samo praskozorje te religije da bi se neke stvari pravilno shvatile.

Vezano za hilafet (nakon Poslanika Muhammeda a.s.) pojavio se između ostalih i pokret haridžija u dobu Imama Alija a.s. Oni nisu priznavali nikakav autoritet izuzev božije Knjige Kur'ana, uopšte ne shvatajući da je potreban čovjek koji će biti njegov tumač. Haridžije su bile sastavljene od pobožnih ljudi u vanjskom shvatanju Islama i primjeni propisa u život otišli su najdalje od svih Islamskih slijedbi. Na čelima su im se mogli vidjeti žuljevi od dugih sedždi (padanja ničice pred Bogom). Ali ti ljudi su bili neznalice, prostog i primitivnog duha i od unutarnje dimenzije nisu znali niti priznavali ništa. Premda su bili muslimani hazreti Ali nije imao izbora do sukobiti se vojno s njima nanijevši im poraz od koga se više nikada nisu oporavili. Haridžije su bili fanatici puni mržnje prema svakome ko misli drugačije te Imam Ali nije imao druge mogućnosti do da ih fizički ukloni. Današnji pobornici "Islamske države" (koja nema baš ništa Islamsko) su duhovni potomci haridžija. Uskogrudni i potpuno neobrazovani, moralno otupjeli i kulturno zapušteni oni nisu prihvatili nikakve argumente osim sablje tako da je Imam Ali a.s. kako smo već kazali bio prisiljen vojno ih poraziti.

Plemeniti Poslanik je izbjegavao borbu kad god je to mogao, čak štaviše bio je toliko obziran prema životinjama da su se ljudi tome čudili. U vezi s tim, prenosi se dirljiv slučaj. Jednom prilikom Muhammed a.s. je sjedio u svojoj kući. U međuvremenu, mačka se popela i smjestila na njegov rukav košulje. Kada se začuo ezan Poslanik je morao u džamiju i da ne bi probudio mač-

ku odsjekao je makazama dio svog rukava i pustio je da nastavi spavati. Uporedimo ovako milosrdnog Poslanika i današnje njegove samozvane sljedbenike, džihadiste koji odsijecaju glave ljudima samo zato što drugačije misle, odnosno što su drugačijih uvjerenja.

Poslanik je čak zabranio da se u ratu nepotrebno sijeku biljke, a za ljude u manastirima na koje Islamska vojska naiđe rekao je: "Ostavite ih na miru sa njihovom vjerom". On, dakle, nije govorio da se kaluđeri i monasi pozivaju u Islam, već je kazao da ih se ostavi na miru i oni su slobodno živjeli u svojim bogomoljama neuznemiravani od Islamske vojske.

Vezano za Posljednje vrijeme (ahiri zeman) Imam Ali a.s. je izrekao Poznati hadis koji smo već komentirali u prijašnjim knjigama ali značaj ove predaje u našem dobu je nemjerljiv te ćemo se ponovo osvrnuti na ovu značajnu predaju. Imam Ali je rekao: "Doći će ljudima vrijeme kada od Kur'ana neće ostati ništa osim slova Njegova, a od Islama ništa osim Imena njegova. Džamije njihove u danima tim bit će velike u pogledu građenja ali puste u pogledu upućivanja. Oni koji će boraviti u njima i koji će ih posjećivati bit će najgori među stanovnicima Zemlje. Od njih će se širiti smutnja i njima će se sve krivo sklanjati. Ako se neko izdvoji iz toga oni će ga baciti natrag u to. A ako neko odstupi natrag iz toga, oni će ga gurnuti tome.

Allah uzvišeni kaže: "Kunem se Sobom, izaslat ću na njih iskušenje u kojem će i razboriti biti pometen! I On će učiniti tako. Tražimo od Boga da nas sačuva padanja u nemar".

Na početku predaje se priopćava kako od Kur'ana ništa neće ostati osim slova njegova, a od Islama ništa osim imena njegova.

Dakle, najavljuje se isključivo obredni islam bez ikakve iznutarnje dimenzije, odnosno ezoteričnih shvatanja Knjige.

Poslanik a.s. je rekao: "Kur'an ima 7 razina značenja od kojih svaka ima do 70 drugih". Ovo govori o beskrajnim ezoteričnim smislovima Knjige, no,


kako Ali a.s. kaže od Kur'ana (u Tamnom dobu) neće ostati ništa osim slova njegova jer će ljudi znati samo čitati i pisati Kur'an ali bez ikakve spoznaje i batinskih mudrosti. To stanje će rezultirati činjenicom da od Islama neće ostati ništa osim Imena Njegova jer ako od Kur'ana ostaje tek puko slovo onda je logično da od Islama ostaje tek ime religije. Džamije će biti velike u pogledu građenja a puste u pogledu upućivanja. Arhitektonska veličina ima za cilj da nadomjesti nedostatak upućivanja a uputiti i ne može (suštinski) onaj ko od Kur'ana zna jedino slovo. Oni koji će u džamijama boraviti i koji će ih posjećivati bit će najgori među stanovnicima Zemlje, kaže se dalje u predaji. Najprije se spominje boravak što upućuje na stalnost a onda posjećivanje koje je povremeno.

U pitanju su najgori ljudi jer je iznutarnost Islama potpuno nestala te budući da je ostalo samo vanjsko slovo koje ne može nadomjestiti izgubljeni batin "od njih će se širiti smutnja", odnosno duhovni nered te će se usljed tog mentalnog haosa "sve krivo njima sklanjati" budući da će u formalizmu vjere pronalaziti zaštitu od onog ispravnog. "Ako se neko izdvoji iz tog oni će ga baciti natrag a ako neko odstupi natrag iz toga oni će ga gurnuti tome" - kaže se dalje u predaji. Duhovni barbarizam uvijek počiva na principu isključivosti i dogme te se onog ko se izdvaja baca natrag u to, dakle vraća ga bez ikakvog obzira. Ukoliko neko odstupi natrag fanatizam ostalih mu to ne dozvoljava te ga oni guraju natrag tom (stanju). "Allah Uzvišeni se kune Sobom da će izaslat na njih iskušenje u kojemu će i razboriti biti pometen", kaže dalje ali a.s. Bog se najprije kune Sobom što je potcrtavanje značaja onog što slijedi, a to je da će na njih izaslat iskušenje.

Nije rečeno "spustiti" već upravi "izaslati". Riječ izaslati potiče od riječi "izaslani", što govori o tome da će iskušenje doći "horizontalno", tj. uvjetno govoreći zemaljski a ne vertikalno, "izravnom" Božijom intervencijom. Ovo iskušenje će biti Imam el-Mehdi a.s. Njegovom Obznanom iz svijeta skrivenosti će i "razboriti biti pometen", jer razum bez vjere neizbježno dovodi do duhovne pometenosti. Imam Ali a.s. završava predaju riječima: "I On će učiniti tako. Tražimo od Boga da nas sačuva od padanja ua nemar". To da će Bog učiniti tako je potcrtavanje odnosno davanje značaja već izrečenom a

traženje od Boga da sačuva od padanja u nemar jeste upozorenje na nemarnost spram takve budućnosti jer i predaja kaže kako će "Ljudima doći vrijeme...", dakle govori se o budućem vremenu. Spram njega se ne smije biti nemarno. Ovo vrijeme je već počelo i bivat će sve gore i gore dok se obznani izaslanik, odnosno veliko iskušenje.

Božiji Poslanik je također govorio o učitelju posljednjeg vremena, a opis se očito odnosi na Satja-Sai-Babu



Sai-Baba

Tom prilikom, Muhammed a.s. je dao sljedeći opis: "Kosa će mu biti bujna i čelo će biti široko i istureno. Nos će mu biti mali, ali sa ispupčenjem kod prijelaza na čelo. Prednji će mu zubi biti razmaknuti. Imat će mladež na licu. Neće nositi bradu, a odjeća će mu biti boje plamena. Nosit će dvije haljine. Boja lica će mu katkada biti žuta poput zlata, drugi put tamna a ponekad sjajna poput mjeseca. Tijelo će mu biti maleno, a noge kao u mlade djevojke.



Sva učenja svih vjera bit će mu u srcu kao i sva znanja od početka vremena."  
(zbirka predaja OCEAN SVJETLOSTI)

Vidimo kako ovaj opis savršeno sukladira Satja-Sai-Babi. Poslanik a.s. je rekao: "Ima u tijelu jedan organ koji ako je zdrav zdravo je i cijelo tijelo. Taj organ je srce". Analogno ovome, "sva učenja svih vjera" u srcu Sai-Babe su i zdravlje čovječanstva koje možemo uporediti sa ljudskim tijelom.



Tri inkarnacije

Inače Sai-Baba je govorio o 3 inkarnacije. To su Sai-Baba iz Širdija, njegov prethodnik te Prema-Baba koji će doći nakon njega, te ujediniti čovječanstvo čistom ljubavlju, a što je analogno Obznani Imama Mehdija a.s. po Islamskom učenju.

Svakako da na kraju treba pomenuti isposnika i mudraca koji je također naučavao ljubav a to je papa Ivan Pavao drugi



Ivan Pavao II

## NUHOVA LAĐA

Božji Poslanik Muhammed a.s. je kazao: "Moja Porodica (Ehli-Bejt) je poput Nuhove lađe, ko se popne spašen je, ko izostane potopljen je".

Ova predaja jasno ukazuje kako su Muhammed a.s., Fatima a.s. i 12 Svetih Imama a.s. arke spasa jer je kao što vidimo Poslanik a.s. uspinjanje na jednu od 14 lađi povezao sa spasom. On nije precizirao odakle se duhovni putnik uspinje na lađu Ehli-Bejta a što podrazumijeva uspinjanje sa kopna (šerijat) te uspinjanje sa mora (ili iz mora) što simbolizira tarikat, odnosno hakkikat. Ajet kaže kako je u bogobožnosti spas te se spas vezan za uspon na Nuhovu lađu vezuje za bogobožnosti. Drugačije se ne može uopšte prići lađi Ehli-Bejta a.s. Imam ali a.s. je rekao: "Neće biti spašen osim onaj ko ih (Imame) zna..." te se spas i bogobožnost dakle vezuju za 12 Svetih Imama a.s.

Uzoriti Poslanik uspinjanje na lađu Ehli-Bejta (kao spas) nije vezao ni za šta drugo do za sami uspon. Uspon podrazumijeva "stepenice" kojima se uspinje te je jasno da se popeti na lađu ne može odmah već u etapama, odnosno stepenima (mekam). Onaj ko se uspinje već je ovladao zakonom za fizičko (šerijat) inače ne bi ni mogao započeti uspinjanje. Dakle, uzeo je Svete Imame za Vodiče i mudrace, odnosno učitelje na svom duhovnom putu.

Ko god se na lađu popne, vidjeli smo, spašen je, ali uspon ima svoje stepene. Sama sura "Nuh" daje pojašnjenje tog uzdizanja na lađu spasa. Naime, sura "Nuh" ima 28 ajeta, a u broju 28 je sadržana cijela Imamologija.

Naime, Imam Hasan-al Askeri je umro u dvadesetosmoj godini života čime je otpočelo malo skrivanje (Okultacija) njegova mladog sina, Imama Mehdijsa a.s. Shodno ovome, 28 stepenica uspona na Nuhovu (Ehli-Bejtsku lađu jer su one upoređene) znači dosezanje okultacije Imama Mehdijsa, odnosno pronalazak "Imama bića" u sebi samom. Brojčane naznake potvrđuju da je u suri "Nuh" sadržana cjelina duhovnog puta. Redni broj sure "Nuh" jeste broj 71.

U zbiru cifara to daje broj 8 ( $7+1=8$ ), a Nuh je imao 8 sljedbenika. Broj ajeta sure "Nuh" je znamo broj 28. Zbir dva broja ( $71+28$ ) daje broj od 99 Lijepih Allahovih Imena, odnosno Imena Svetih Imama koji su često ponavljali: "Mi smo Lijepa Allahova Imena", a znamo kako hadis priopćava da je spoznaja Allaha spoznaja Imama svog vremena. Ukoliko broj od 99 Allahovih Imena oduzmemo od broja Kur'anskih sura (114) dobit ćemo rođenje Imama Mehdijsa a.s. ( $114-99=15$ ) koji je, kao što znamo, rođen 15 mjeseca Ša'bana 225 godine po Hidžri.

Upravo zato se riječ "lađa" u Kur'anu spominje 15 puta u 14 sura što je sukladno sa 14 Bezgriješnih. Pošto je rođenje Imama Mehdijsa (unutar duhovnjaka) cilj duhovnog puta 14 lađa sukladiraju kako smo kazali sa 14 Ma'suma. Svaka od lađi pruža mogućnost spoznaje Muhammeda a.s., Fatime a.s. i 12 Svetih Imama a.s. u stanju njihove čiste svjetlosti što predstavlja kako smo kazali rađanje Imama Mehdijsa a.s. unutar putnikovog bića.

Aluzija na ovo jeste samo fizičko rođenje Imama Mehdijsa a.s. kada je (prema iskazu tetke Imama Askerijsa Hakime Hatun) sveta Narcisa (majka Imama Mehdijsa a.s.) bila prilikom rađanja Mehdijsa okupana svjetlošću.

Svaka od 28 stepenica razotkriva po jednu mističnu tajnu Kuće Čiste čime se duhovnjak priprema (nakon što se popne na jednu od 14 lađi) primiti svjetlo nekog od članova kuće.

Istinska spoznaja Imama je spoznaja u stanju njegove čiste svjetlosti. Upravo zato se riječ "lađa", kako smo kazali, spominje u 14 sura gdje svaka od sura sukladira sa po jednim od Bezgriješnika (Muhammed, Fatima i 12 Svetih Imama a.s.). Kako znamo, Muhammed a.s. je rekao "ko se popne (na lađu Ehli-Bejta) spašen je" ne vezujući spas ni za šta drugo jer sama želja za uspinjanjem podrazumijeva da je zakon za fizičko već usvojen, inače (takva) želja ne bi ni postojala. Muhammedu a.s. je došao beduin i pitao o Islamu i Poslanik je spomenuo Islamsko svjedočenje, namaz, zekat, post i hadž. Beduin je to prihvatio kazavši da (na ovo) neće ništa dodavati niti oduzimati. Muhammed a.s. je tada dodao: "Ako je rekao istinu, spašen je".

Kako je usvajanje Islama spas, te kako je uspon na lađu Ehli-Bejta također spas ovo predstavlja dvostruku dimenziju Islama, zakon za fizičko (šerijat) te duhovni put (tarikat). Prihvatanje Islama je šerijatski (shvaćen) spas, dok je tarikatsko putovanje Nuhovom lađom duhovni spas, odnosno dosezanje zbilja duhovnih istina.

Za duhovni spas Imam Ali a.s. je rekao: "Neće biti spašen niko osim onog ko ih (Imame) zna i koga oni znaju i neće propasti niko osim onog ko ih ne zna i koga oni ne znaju". "Kopno" predstavlja zakon za fizičko te je znati Imama u šerijatskom smislu znanje fizičke osobe i propisa koje pojašnjava. No, u duhovnom smislu to znači poznavanje (jednog od) Imama u stanju njegove čiste svjetlosti. Tarikatski "prelaz" ka punoj spoznaji Imama ostvaruje se kroz uspinjanje manevijskim stepenicama (na lađu Ehli-Bejta) kojih je 28, jer sura "Nuh" ima 28 ajeta, upravo onoliko koliko je godina imao Hasan al-Askeri a.s., 11-ti Imam imao u času njegove smrti, a čime je znamo otpočela okultacija njegova mladog sina, Imama Mehdiya a.s. Plovidba morem hakkikatskih istina se dešava nakon što duhovni putnik pređe 28 stepenica da bi se popeo na lađu Ehli-Bejta.

Vidjeli smo da je za spas dovoljno poznavanje Kuće Čiste i usvajanje šerijatskih propisa. More kojim se putuje ima dimenziju 14 svjetlosnih okeana znanja koji opasavaju (ezoterički) zemlju i svaka od 14 lađi prima određen broj putnika. U tom putovanju je sadržana cjelina Imamologije. Sada razmotrimo 28 stepenica uspinjanja na Nuhovu lađu, a što predstavlja 28 stepeni (mekam) usvajanja znanja Ehli-Bejta a.s.

## PRVA STEPENICA TARIKATSKOG PUTA

(prvi stepen uspinjanja na Nuhovu lađu, odnosno lađu Ehli Bejta)

Kako je Poslanik a.s. ovo dvoje usporedio ovo nećemo dalje naglašavati prilikom pojašnjenja različitih stepeni uspona na lađu Ehli Bejta.

Sura "Nuh", sura 71, 28 ajeta.

Ajet 1: "Mi smo poslali Nuha narodu njegovom! Opominji narod svoj prije nego što ga stigne patnja nesnosna!".

Prvom stepenicom uspinjanja na Nuhovu a.s. lađu putnik se odvaja od zemaljskog (kopna, odnosno mora, a što simbolizira različita stanja) i započinje svoje duhovno putovanje. Talasanja i potapanja su na neki način već "ispod" njega. More je naravno prepuno čudovišta i zmajeva iz sfere nefsanskog stanja, odnosno "duše sklone zlu" (nefsi emmare).

U ajetu 1 sure "Nuh" se (u obliku prijetnje) spominje patnja nesnosna a što je metafizička vatra udaljenosti od Allaha. U ajetu se kaže kako je Allah dž.š. poslao Nuha cijelom njegovom narodu, koji, budući da je bio ogrezao u poricanju Boga kao takav cijel može biti potopljen težnjama egoističkog i materijalnog poimanja svijeta i njegova prisvajanja. Kazni uvijek prethodi opomena jer je nezamislivo da bi Pravedni Bog spustio kaznu na ljude bez razloga.



Nuhova lađa

Kazna se, vidjeli smo, definiše kao "patnja nespošna". Patnja se ovdje definira kao nespošna, a što je upravo udaljenost od Allaha, odnosno metafizička vatra. Patnja koja je (relativno) snošljiva je ona paklena vatra koja zahvata osjetilnu prirodu čovjekovu, ali za koju postoji olakšanje. Jedno od olakšanja jeste činjenica da će ljudi džehennema spavati (dok džehennetlije neće) te će im spavanjem patnja biti olakšana.

Kur'an na jednom mjestu kaže: "O, pokriveni, ustani i opominji".

Povijesni kontekst priopćava da se radi o Muhammedu a.s. koji je vraćajući se sa brda Hire bio prestrašen znamenjima, te tražio da ga pokrije. Imam Džafer Sadik a.s. je kazao: "Kada god bi Džibril dolazio Poslaniku sjedio bi pred njim kao što sjedi čovjek". To se dešavalo u liku ashaba Dihje bin Halife. Vidimo, pak, da se u spomenutom ajetu riječi Poslanik (odnosno Muhammed a.s.) uopšte ne spominju te oni koji tako tumače ajete zapadaju u zamku historizma kao da je Božji govor objavljen samo za prve muslimane.

O toj zamci je Peti Imam rekao: "Ako bi neki ajet bio objavljen zbog nekog čovjeka pa taj čovjek umre, s njim bi umro i ajet. Tako bi do sada cijeli Kur'an bio mrtav". Ovim se, kako smo kazali, ukazuje na pogubnu zamku historizma u Islamu koju treba izbjeći jer Kur'an je posve nov i živ u svakom vremenu.

"Pokrivenom" se naređuje da ustane i opominje. Pokrivenost može biti dvostruka.

Prva (kufure) jeste zastrtost od Istine, što bi se u širem smislu moglo nazvati "nevjerstvo".

U drugom slučaju je u pitanju zaogrtnje odjećom (odnosno šejhovski status) koji sugerira na znanje. Jer, jedan od narednih ajeta kaže: "I haljine svoje očisti". Šejh je već "obučen" haljinama koje odražavaju njegov status ali mu se sada naređuje da haljine svoje očisti (od svih pokuđenih prljavština) a što podrazumijeva približavanje Kući Čistoj, jer su Dvanaestorica Imama Vodiči

i učitelji. Kur'an kaže "... Allah želi o porodicu Poslanikova, da vas potpuno očisti i prljavštine od vas odstrani". Ovo (masum) se odnosi na Kuću Čistu (Muhammed, Fatima i 12 Svetih Imama).

Potpuno čišćenje običan čovjek ne može potpuno zadobiti (Bezgriješnost), ali može relativno a što je i cilj znanja.

"Pokrivenom" se najprije naređuje da ustane i opominje". Shodno ovome, on može opominjati jedino u "stojećem" položaju, a što predstavlja "lik najskladniji" koji čovjek može zadobiti na ovome svijetu. Hazreti Alija je rodočelnik i prvak svih sufijskih redova i svi vode do njega. Bez Kuće Čiste nema ni ispravnog znanja.

## DRUGA STEPENICA TARIKATSKOG PUTA

(drugi stepen uspinjanja na Nuhovu lađu, odnosno lađu Ehli-Bejta)

Ajet 2: "O, narode moj, govorio je on, ja vas otvoreno opominjem".

Opomena jeste Mudra Opomena, odnosno Imam Mehdi, a u čijem dolasku je sabrana cijela Imamologija. Svaki Poslanik (a to naročito važi za 7 ljudi Knjige) je imao djelimično znanje o Pravu Kuće. Opomena dakle znači pravoputnost a otvoreno opominjanje predočavanje tog Puta na način da on bude svima predočen. I kao što je Bog Uzvišeni Sebi stavio u dužnost da ukaže na Pravi Put, tako je dužnost ljudi da taj Put slijede kako bi dosegli vlastiti spas.

Pravi Put jesu Sveti Imami navlastito, a broj ajeta u suri "Noć" (12) govori da je riječ o 12 Svetih Imama a.s. Otvoreno opominjanje je uvijek vezano za opće (socijalne i druge) veze jer moraju postojati okolnosti koje ga omogućavaju - sloboda mišljenja i odsustvo fizičkog neprijateljstva prema pozivatelju. Muhammed a.s. je pune 3 godine pozivao u Islam tajno sve dok mu nije naređeno da to počne činiti javno. Naravno, između šerijata Muhammeda a.s. i Nuha a.s. postoje razlike, no suština pozivu jednom Bogu je ista. Otvoreno pozivanje Allahu se mora desiti prije ili kasnije svakom Vijesniku Božijem



pošto je potpuna tajnost po pitanju Zakonodavnog poslanstva nemoguća jer svi ljudi imaju (potencijalno) jednake šanse za spas, te im šerijat (njihova vremena) treba otvoreno predočiti.

### TREĆA STEPENICA TARIKATSKOG PUTA

(treći stepen uspinjanja na Nuhovu lađu, odnosno lađu Ehli-Bejta)

Ajet 3: "Allahu se klanjajte i Njega se bojte i meni poslušni budite".

Vidimo kako je najprije spomenut namaz (salat), zatim strah od Allaha, te poslušnost Nuhu a.s. Prvo što je Poslaniku Muhammedu bilo propisano bio je namaz koji je njegovim Poslanstvom upotpunjen i usavršen a kao što vidimo (iz ajeta 3) bio je propisan i drugim narodima na način svojstvenosti datom vremenu i prostoru, odnosno mogućnostima drevnih naroda. Zatim, Nuh a.s. svome narodu naređuje strah od Allaha. Allaha se prema jednom drugom ajetu boje "učeni", a Imam Reza a.s. je kazao kako se to odnosi na Svete Imame a.s. čime se u Nuhovom poziva da osjetiti predokus Imameta, jer po hadisu Muhammedovom a.s. "Ali je sa svakim Poslanikom poslan tajno, a sa mnom javno".

Da se radi o tome (u ajetu 3 sure "Nuh") potvrđuju Alijeve a.s. riječi: "Srednji Put je Put Pravi", a strah od Allaha je u ajetu 3 spomenut u sredini, između namaza i poslušnosti Nuhu. Tek, dakle, nakon (djelimičnog) obznanjenja Imamologije, Nuh traži poslušnost njemu jer je on (kao i svi Božiji Poslanici) dobio svoje Poslanstvo iz mjesta Poslaničke Poruke (Ehli-Bejt), te je Kuća Čista spomenuta nakon namaza, a prije poslušnosti Nuhu a.s. Ko je potpuno usredišten u vrlini on je postigao apsolutnu umjerenost, odnosno nalazi se na Pravom Putu.

Na jednom mjestu Kur'an kaže da "je obavljanje molitve najveća poslušnost", a kako Nuh poziva svoj narod da njemu poslušni budu time su ove dvije poslušnosti objedinjene jer je namaz (čak i formalno) nemoguć bez poslušnosti Bogu. Vidjeli smo kako je Pravi Put put srednji baš kao što je strah od

Allaha (a što je, vidjeli smo, Imamat) spomenut u sredini između namaza i poslušnosti Nuhu. Tek ako usvoje salat kao oblik bogoštovlja i (djelimično) spoznaju Imame oni bivaju poslušni Nuhu, jer poslušnost stvorenju proističe iz poslušnosti Bogu, a stvorenje i zaslužuju poslušnost (sebi) upravo onoliko koliko je ono poslušno Bogu.

U ajetu 3, Imamologija je usredištena između Zakonodavnog poslanstva i poslušnosti Bogu, jer je poslušnost Nuhu identična poslušnosti Bogu. Allah Uzvišeni kaže: "Kada zavolim Svog slugu, Ja bivam njegov govor, vid, sluh...".

#### ČETVRTA STEPENICA TARIKATSKOG PUTA

(četvrti stepen uspinjanja na Nuhovu lađu, odnosno lađu Ehli-Bejta)



Nuhova lađa

Ajet 4: "On će vam grijehе vaše oprostiti i u životu vas do određenog časa

ostaviti, a kad Allahov određeni čas dođe, zaista se neće, neka znate, dogoditi".

Na jednom mjestu u Kur'anu se kaže za Allaha dž.š. "Silni, Onaj koji prašta", a sila se nužno vezuje uz praštanje, jer da ne postoji mogućnost primjene sile (kazne) ne bi se moglo ni opraštati. Jedno od Božijih Imena je onaj koji prašta i Allah se ovdje obznanjuje na tom nivou, odnosno onom što zahtjeva to Ime. Ajet spominje sudbinu i to kao određeni čas.

Poslanik a.s. je rekao: "Sudbinu ne mijenja ništa izuzev dove i dobročinstva pa je dova vezana za određenje (jer ga mijenja) a dobročinstvo za čas jer ga pomijera prema naprijed, produžujući tako život dobročinitelju. Konačni čas, odnosno nepromjenjiva Božija volja iz oblasti predodređena se ne odgađa, tj. ne mijenja.

#### PETA STEPENICA TARIKATSKOG PUTA

(peti stepen uspinjanja na Nuhovu lađu, odnosno lađu Ehli-Bejta)

Ajet 5: "On reče: "Gospodaru moj, ja sam narod svoj i noću i danju, doista pozivao".

"Noć" predstavlja ezoteriju, a "dan" egzoteriju Islama, odnosno Zakonodavni aspekt vjere. Najprije se spominje "noć", što ukazuje na iznutarnju (batinsku) dimenziju Islama jer lađa Ehli-Bejta jeste sami ta'vil Knjige, odnosno njen duhovni, iznutarnji aspekt, jezgro koje je iznutra "gornje" (tj. prvo) a ljuska (šerijat) dolazi poslije toga, te je dan spomenut poslije noći. Ovo ukazuje kako je Nuh a.s. pozivao kako zbiljama iznutarnjih istina tako i aspektima izvanjskog, Zakonodavnog Poslanstva.

Nuhov poziv je prihvatilo (svega) 8 ljudi što sabrano sa rednim brojem ajeta govori o Muhammedu a.s. i 12 Imama koji su ta'vil Knjige (8+5=13).

Također, sura "Nuh" je rednog broja 71, što u zbiru cifara daje broj od 8 Nuhovih sljedbenika (7+1=8).

## ŠESTA STEPENICA TARIKATSKOG PUTA

(šesti stepen uspinjanja na Nuhovu lađu, odnosno lađu Ehli-Bejta)

Ajet 6: "Ali ga je moje pozivanje još više udaljilo".

Vezano za ajet - "Svi se čvrsto Allahova užeta držite i nikako se ne razjedinjajte." - Šesti Imam Džafer Sadik a.s. je kazao da je to uže Ehli-Bejt. Oni se nisu držali iznutarnjih propisa te budući da ih nisu razumijevali to ih je sve više udaljavalo od Objave jer prema predaji "čovjek postaje neprijatelj onoga što ne poznaje", a neprijateljstvo je samo po sebi (suštinska) udaljenost jer blizina podrazumijeva bliskost.

## SEDMA STEPENICA TARIKATSKOG PUTA

(sedmi stepen uspinjanja na Nuhovu lađu, odnosno lađu Ehli-Bejta)

Ajet 7: "I kad god sam ih pozivao da im oprostiš, prste su svoje u uši stavljali i haljinama svojim se pokrivali, - bili su uporno i pretjerano oholi".

Vidimo kako Nuh poziva oprost u ne vjeri. Muhammedu a.s. je bilo naređeno: "O, pokriveni, ustani i opominji". Ustajanje jeste zadobijanje, odnosno afirmacija "lika najskladnijeg" (čovjekovog), odnosno savršenog čovjeka koji potom iz pozicije vlastitog savršenstva opominje. Premda i običan čovjek može opominjati ovdje je riječ o Kur'anu kao mudroj opomeni te zato Nuh poziva oprost (od grijeha) jer je za razumijevanje Objave potrebna relativna čistoća a svaka Objava je dio Kur'ana.

Kako je osobina Objave slušanje, Nuhov narod stavlja "prste u uši", kako ne bi čuo opomenu njegovu.

Vezano za ajet - "da to od zaborava sačuva uho koje pamti", Muhamed a.s. je rekao da se to odnosi na Imama Alija a.s. Kao tajni odnosno Apsolutni Imam Ali je bio poslan (i) sa Nuhom. Pošto je Imam Ali uho koje pamti stavljanje prstiju u uši jeste negacija njegova vilajeta bez obzira što je i sami

Nuh djelimično svjestan Prava Kuće i Mjesta Poslaničke Poruke iz koje je dobio poslanstvo. Zatim ajet 7 dodaje "...i haljinama svojim se pokrivali..."

Poznato je da oblačenje haljina ima inicijacijsku ulogu. Pokrivenost u Arapskom jeziku ima značenje kufra (pokriven), te je ovo pokrivanje haljinama poricateljstvo od strane Nuhova naroda. Ovo se odnosi na Zakonodavno Poslanstvo dok se stavljanje prstiju u uši odnosi na Vilajet Imama Alija a.s.



Sumerske pločice koje govore o Nuhu

"Bili su uporno i pretjerano oholi". Oholost je znak neznanja jer sama činjenica da se neko uzoholio spram Allaha je dokaz tog neznanja. Oni su bili uporno oholi, dakle ne odustajući a samo neodustajanje je pretjeranost te su na taj način bili "pretjerano oholi" spram Allaha jer ovdje se ne radi o oholnosti prema ljudima. Jedno od Božijih Imena jeste "Onaj koji pokriva", a kako Kur'an kaže da je najbolja odjeća, čestitosti oni je upravo s tog razloga i odbijaju. Čestitost je, pak, nespojiva sa odbijanjem oprosta. Ipak, nesvjesno

su potvrdili Božiju jedinstvo jer se uši začepljaju kažiprstom a upravo tim prstom se (u namazu) svedoči Božija Jednost i Muhammedovo a.s . Poslanstvo.

## OSMA STEPENICA TARIKATSKOG PUTA

(Osmi stepen uspinjanja na Nuhovu lađu, odnosno lađu Ehli-Bejta)

Ajet 8: " Zatim, ja sam ih otvoreno pozivao".

Nuh a.s. je imao 8 sljedbenika, a redni broj ajeta je 8. Zato se naglašava "otvorenost" pozivanja, kako bi se istaklo da je Nuhov narod kao takav mogao većinski prihvatiti vjeru, no to je učinilo samo osam ljudi čime je otvorenost pozivanja u tom smislu dokaz protiv Nuhova naroda. Ukoliko 8 sljedbenika oduzmemo od ukupnog broja sure " Nuh" (71) dobije se broj 63, odnosno Muhamedov a.s. život.



Ostaci Nuhove lađe

Zbog toga je (kasnije ćemo vidjeti) Muhamed a.s. ezoterično lađa prva koja će se otisnuti na plovidbu batinskim vodama. U Kur'anu se riječ "lađa" spominje u 14 ajeta a što je sukladno sa 14 Bezgriješnih (Muhamed a.s., Fatima a.s. i 12 Svetih Imama a.s. Pošto neće ući u raj niko osim onoga ko ih zna i koga oni znaju broj Nuhovih a.s. sljedbenika je identičan broju džennetskih vrata (znamo da je to broj 8). Jer, Poslanik je svoj Ehli-Bejt usporedio sa Nuhovom lađom. Prema tome, Muhammedansko svjetlo (63) te osam džennetskih kapija tvore Lađu Ehli-Bejta, odnosno Nuhovu lađu ( $63+8=71$ )

## DEVETA STEPENICA TARIKATSKOG PUTA

(Deveti stepen uspinjanja na Nuhovu lađu, odnosno lađu Ehli-Bejta)

Ajet 9: "a onda sam im javno objavljivao i u povjerenju im šaputao".

Javno objavljivanje se odnosi na zakon za fizičko (šerijat), odnosno ten'zil (spuštanje Objave, ono egzoterijsko što je svaki Poslanik dužan javno objaviti). "Šaputanje u povjerenju" se ipak odnosi na ljude iznutarnjeg zrenja koji su spremni primiti ta'vil Objave. Kako je Ali a.s. sa svakim Poslanikom poslan tajno (a sa Muhammedom a.s. javno) njegova zbilja je šapat u povjerenju, jer je on "uho koje pamti", dakle ne zaboravlja te može u povjerenju šaputati. "Šaputanje" ukazuje na tekkijah, taktično prikrivanje ezoterijskih zbilja pred onima koji ih nisu dostojni. Jedanput je Muhammed a.s. povjerljivo razgovarao sa nekim drugovima o tajnama Islama. Neko je ušao i Poslanik je rekao: "Poklopite posudu", simbolički smjerajući da novopridošli nije dostojan tog razgovora i čak bi mogao imati više štete nego koristi jer hadis kaže: "Čovjek je neprijatelj onoga što ne poznaje". Također je rekao: "Povjerenje je dug" i "Nema vjere onaj u koga se nema povjerenja".

Poznato je da su Imami stalno ponavljali: "Naša stvar je teška i otežana...", dok jedan drugi hadis priopćava: "Nema vjere bez tajenja".

Ovo zato što svako nije dostojan uzvišenih istina, a što je rekao i Isus kazavši: "Ne bacajte bisere pred svinje".

Muhammed a.s. je podijelio ljude u 3 kategorije: ljudska bića, četveronožci, odnosno životinje u ljudskom obliku (kojima je jedina briga hrana, spavanje i spolno općenje), te šejtane u ljudskom obliku, odnosno ljude čiji su likovi ljudski, a srca šejtanska. Iz ovih predaja je jasno da je ljudi sklonih duhovnosti jako malo i njima se u "povjerenju šaputa", jer su dostojni ezoterijskog znanja i upute.

## DESETA STEPENICA TARIKATSKOG PUTA

(Deseti stepen uspinjanja na Nuhovu lađu, odnosno lađu Ehli-Bejta)

Ajet 10: "i govorio: "Tražite oprost od Gospodara svoga, jer, On, doista mnogo prašta".

Kur'an kaže: "Allah neće oprostiti da Mu se neko drugi smatra ravnim, a oprostiti će manje grijehove od toga kome hoće".

Drugim riječima, Nuh poziva svoj narod da izađe iz mnogoboštva naglašavajući kako "On, doista mnogo prašta", a kako bi se time uvjerili da ne treba gubiti nadu u Božiju Milost.

## JEDANAESTA STEPENICA TARIKATSKOG PUTA

(Jedanaesti stepen uspinjanja na Nuhovu lađu, odnosno lađu Ehli-Bejta)

Ajet 11: "On će vam kišu obilatu slati".

Ukoliko pogledamo prethodni ajet (10), vidi se da je obilata kiša vezana za traženje oprosta a oprost je vezan za znanje jer neznalica nikada ne traži oprost od Boga. Riječ je o gnostičkom znanju, onom znanju spomenutom u ajetu 9, odnosno "šaputanju u povjerenju"

Imam Ali a.s. kaže da je kod njega "obilje znanja", što je identično obilatoj kiši, jer voda je jasan simbol znanja. A, kako su vrata oprosta otvorena do sudnjeg



dana te kako je Muhammed a.s. grad znanja, a Imam ali a.s. kapija tog grada do obilja znanja ("kiše obilate"), se dolazi kroz kapiju Imama Alija a.s. Zato je redni broj ajeta 11, jer poslije Imama Alija ima još 11 Imama koji svi imaju obilje znanja, odnosno "upijaju" kišu obilatuu. Ajet 11 kaže kako Allah kišu obilatuu šalje (a ne spušta) a poslati (u ovom kontekstu jeste Muhammedovo poslanje u njegovoj ezoterijskoj dimenziji, odnosno ta'vil Imama Alija a.s.).

## DVANAESTA STEPENICA TARIKATSKOG PUTA

(Dvanaesti stepen uspinjanja na Nuhovu lađu, odnosno lađu Ehli-Bejta)

Ajet 12: "i pomoći vas imanjinia i sinovima, i daće vam bašče i rijeke će vam dati".

Pošto znanje mora imati svoje nosioce u ljudskom obliku pomoć imanjinia jeste obilata kiša na zemaljskoj ravni (od strane Svetih Imama a.s.). Imam Sadik a.s. je upitan o ajetu - "a onaj kome je dato znanje darovan je blagom neizmjernim". Odgovorio je: "Vjera u Allaha i poznavanje Imama".

Prema tome, ovo predstavlja "imanja" iz ajeta 12. Zatim se spominje pomoć sinovima što predstavlja 12 Svetih Imama na šta ukazuje i redni broj ajeta sure "Nuh" (12). Imami su Poslanikovi duhovni sinovi jer je on rekao: "Bog je djecu svih Poslanika plasirao u njihove kičme dok je moju djecu plasirao u Alijevu kičmu". Prema tome, to su "sinovi" iz ajeta 12 kojima nas Allah pomaže darujući nam njihov Vilajet i Imamet.

Zatim se u ajetu kaže: "i daće vam bašče i rijeke će vam dati".

Vidimo kako su bašče i rijeke povezane. "Bašče" predstavljaju Fedek, plodno zemljište koje je Muhammed a.s. darovao svojoj kćeri Fatimi a.s. Halife (Ebu-Bekr i Omer) su odbili dati Fatimi a.s. njeno vlasništvo. Nakon podužeg argumentiranja u svoju korist od strane Fatime a.s. Ebu Bekr je popustio i potpisao dokument o vlasništvu Fatime nad Fedekom. No, susreo ju je Omer i pocijepao dokument. Ovo je Fatimu a.s. teško pogodilo te je stalno plakala.

Čak štaviše, Ali a.s. joj je izgradio posebnu kuću za plakanje. Ove tragične činjenice su povijesno potvrđene i nemaju ništa sa kasnijim stvaranjem islamskih pravaca. Izvorno, svaki mezheb sadržava ljubav prema Ehli-Bejtu, a kod nas (u Bosni) je prisutan Hanefijski mezheb što je vjera naših predaka i dobar put koji treba slijediti jer tradicija je važan dio vjere. U doba Mehdijsa a.s. sve vjere će postati jedno, monoteizam bez ikakvog nesuglasja.

Zatim se u nastavku ajeta 12 kaže: "i daće vam bašče i rijeke će vam dati". "Bašče" se odnose na vraćanje Fedeka koje će u tom dobu imati moralni a ne fizički značaj u smislu Fedeka kao zemlje. Pravda će po tom pitanju biti uspostavljena. Rijeke su 4 džennetske rijeke (od vina, vode, meda i mlijeka) i njihovo kušanje daje različite spoznaje (još na ovom svijetu). Povodom ajeta o ljubavi prema rodbini neki čovjek je upitao Poslanika a.s. ko je rodbina koju smo dužni voljeti!? Odgovor je glasio: "Ali, Fatima, Hasan i Husejin".

Upravo ova ljubav je "davanje" rijeka. Izvanjski smisao ajeta je posve drugačiji jer su rijeke (u fizičkom svijetu) dostupne na korištenje svim ljudima (ovu temu smo već obrađivali u nekim knjigama).

## TRINAESTA STEPENICA TARIKATSKOG PUTA

(Trinaesti stepen uspinjanja na Nuhovu lađu, odnosno lađu Ehli-Bejta)

Ajet 13: "Šta vam je, zašto se Allahove sile ne bojite?"

Sila je krajnji stepen ispoljavanja snage i u zbilji nema nikakve sile osim Allahove. Uzroci nemaju stvarnu ulogu i oni su poput fatamorgane.

Kur'an kaže kako se Allaha od robova njegovih boje učeni, a to su sveti Imami a.s. U širem smislu to je svaki bogobojažni vjernik. Učeni (Imami) se boje samo Allaha dok se bogobojažni boje (i) sile jer je Allah sebe opisao kao Silnog.

Na jednom mjestu u Kur'anu se sila povezuje sa mudrošću jer je nemoguća primjena Božije sile a da u tome nije sadržana mudrost.

Pošto se stradanja drevnih naroda pouka pa tako i stradanja (ma kako bila neznatna i prije Nuha) ajat 13 počinje čuđenjem u odnosu na negaciju Božije Sile koja je na svijetu očigledna. Učenost i strah od Boga su povezani te čuđenje nastavlja pitanjem o odsustvu straha od Allahove sile koja je krajnji stepen snage, odnosno njeno ispoljavanje a to uvijek izaziva strah.

## ČETRNAESTA STEPENICA TARIKATSKOG PUTA

(Četrnaesti stepen uspinjanja na Nuhovu lađu, odnosno lađu Ehli-Bejta)

Ajat 14: "a On vas postepeno stvara".

Postepenost ukazuje na određeni vremenski period a to opet znači razmišljanje te povezivanje Božije Sile i postepenog stvaranja. Redni broj ajeta (14) ukazuje na 14 Prečistih (Muhammed, Fatima i 12 Svetih Imama a.s.). Ovo prvostvoreno je Muhammedansko svjetlo, Lahut ili svijet božanskog. On je nedokučiv čovjeku i ljudi nisu dužni da ga spoznaju. To je prvi stepen stvaranja (postepenog) kada su Sveti Imami još "unutar" Muhammedanske svjetlosti i nisu otcjepljeni.

Nasut, svijet izlivanja svjetlosnih inteligencija već podrazumijeva isijavanje 12 zasebnih svjetala odnosno "otporenu" svjetlost njih Dvanaestorice. Melekut je sljedeća tačka spuštanja Muhammedanske svjetlosti i tu se Imami obznanjaju u svijetu međustanja (berzah), odnosno svijetu aktivne imaginacije. Mullk, fizički svijet je posljednja tačka u spuštanju duše i silazni luk završava na zemlji. Ovdje, na zemlji se Imami obznanjaju kao fizičke osobe poput ostalih ljudi, ali samo na prirodnoj razini jer su moći prethodnih svijetova zadržane u njihovim dušama.

Postoje, dakle, 4 tačke spuštanja Ehli-Bejta u ovaj svijet, a broj ajeta (14) jasno ukazuje da se radi o njima. Na drugoj razini tumačenja opštepoznato je da obični ljudi u utrobama majki bivaju postepeno stvarani "u 3 tmine", kako kaže Kur'an ukazujući na postepeni razvoj ljudskog zametka. To nije tema ovog razmatranja. Stvaranje je zbog i u ime ljubavi jer je Imam Ali kazao:

"Nema nijednog bića a da u konačnici neće spoznati ljubav prema nama". Zato ajet 13 upitno sugerije o Allahovoj Sili (jer nedostaje 14-ti Masum Imam el-Mehdi koji je Božija sila na zemlji) dok ajet 14 koji uključuje kompletan Ehli-Bejt ide dublje od ovozemaljske uloge Imama ka Pola svijeta te ukazuje na postepeno spuštanje Muhammedanskog svjetla u stvoreni svijet. Ovo je logično jer najprije slijedi vanjsko, a onda unutarnje.



Nuhova lađa na uzburkanom moru

Već smo istakli kako je Nuh a.s. imao 8 sljedbenika. U suri "Skupovi" ajet 6 kaže: "On vas od jednog čovjeka stvara, a od njega je stvorio i drugu njegovu-i On vam je dao 8 vrsta stoke: On vas stvara u utrobama matera vaših dajući vam likove, jedan za drugim u 3 tmine. To vam je, eto, Allah, Gospodar vaš, Njegova je vlast i nema boga osim Njega, pa kuda se onda odmećete?"

Vidimo da je broj Nuhovih sljedbenika (8) identičan vrstama stoke (također 8) u suri "Skupovi". Pošto ovo sukladira jedno drugom, broj vrsta stoke na

Nuhovoj lađi je također bio 8. U svakom drugom kontekstu jasno je da je broj vrsta stoke mnogo veći od 8, te prevazilazi broj Nuhovih prijatelja. No, istovjetan broj ljudi (8) i životinjskih vrsta na Nuhovoj lađi tvori ravnotežu za buduće stvaranje nakon potopa.

Zatim ajet 6 u suri "Skupovi" kaže: "... On vas stvara u utrobama matera vaših, dajući vam likove jedne za drugim u 3 tmine...".

Umma (zajednica) je majka vjernika. "Utroba" znači iznutarnost, odnosno batin stvaranja, te je stvaranje (čovjeka) iznutra zadobijanje "lika najskladnijeg" koji doživljava transformaciju kroz 3 tmine. Poslanik a.s. je rekao: "Vi ste u najmračnijem svijetu". Budući da je Imamat (preko Alija kao tajnog Imama) u Nuhovo vrijeme bio pokriven to nužno izaziva i "tminu" (pokrivenost) i ostala dva dijela vjere:

Vjera u Boga (prva tmina i prvi lik uspravljanja ka savršenom čovjeku)

Vjera u Poslanstvo (druga tmina i drugi lik uspravljanja ka savršenom čovjeku)

Vjera u Imamat (treća tmina i treći lik uspravljanja ka savršenom čovjeku)

Prema tome, trostruku tminu ovoga svijeta (strasti, lažno "ja" i materijalno posjedovanje) treba preobraziti u trostruko svjedočanstvo vjere. Egzoterijski oblik stvaranja ljudskog zametka, odnosno to tumačenje, kazali smo, nećemo komentirati.

## PETNAESTA STEPENICA TARIKATSKOG PUTA

(Petnaesti stepen uspinjanja na Nuhovu lađu, odnosno lađu Ehli-Bejta)

Ajet 15: "Zar ne vidite kako je Allah sedam nebesa, jedno iznad drugih stvorio?"

Imam el-Mehdi a.s. je rođen 15. Šabana 869 godine po Hidžri i ajet aludira

(tom brojkom) na duhovno rođenje Imama unutar duhovnog putnika. Početak ajeta ("Zar ne vidite") ne ukazuje na stvaranje 7 fizičkih univezuma ("nebesa") jer je to nemoguće fizički vidjeti. Prije se smjera na 7 "nebesa", odnosno stepeni vlastite duše koji stepeni su jedan iznad drugog sve do sedmog. Duhovni putnik uz vodstvo savršenog učitelja pokorava vlastitu dušu i dovodi je do stepena duše savršene. Ova samospoznaja (koja je istovremeno spoznaja Boga) i jeste cilj stvaranja svjetova a o čemu svjedoči slavni Kudsi Hadis kada Bog Uzvišeni kaže: "Bijah skriveno blago, Voljeh da budem spoznat te stvorih svijet". Znanje je, dakle, svrha stvaranja svijeta i to prevashodno znanje o Allahu iz kojeg proističu sva druga znanja.

Sedam nebesa (stepeni) spoznaje vlastite duše, odnosno njenog usavršavanja jesu:

- 1 - duša sklona zlu
- 2 - duša koja sebe kori
- 3 - duša nadahnuta
- 4 - duša zadovoljna
- 5 - duša kojom je Bog zadovoljan
- 6 - duša smirena
- 7 - duša savršena

Ova su unutarnja nebesa stvorena kako to i ajet 15 sure "Nuh" priopćava. Da su unutarnja nebesa važnija od spoljnih koja su metaforična i imaju maštu kao svoj realitet svjedoči jedan drugi Kudsi hadis gdje Bog Uzvišeni kaže: "Ne obuhvataju Me ni Moje nebo ni Moja zemlja, ali me obuhvata srce Mog vjernog sluga". Naravno da se ne radi o fizičkom obuhvatanju, već upravo o spoznaji 7 mekama duše koji pređeni i usvojeni bivaju upijeni u srce, odnosno jedinstveni sa primordijalnim centrom bića.

Srčanim vidom (basira) se svaki mekam pređen na duhovnom putu može vidjeti, bolje reći, osjetiti u njegovu saobražavanju sa srcem.

Svako drugačije viđenje 7 nebesa je potpuno isključeno jer Kur'an jasno govori

o vidljivosti (fizičkoj) tek prvog neba u fizičkom svijetu pa kaže: "Nebo najbliže vama smo sjajnim zvijezdama okitili..."

Ovo jasno ukazuje da je sav vidljivi svemir (tek) prvo nebo u dosezanju 7 realnosti. Broj je figurativan jer Božije stvaranje nema kraja.

Ukoliko saberemo ukupan broj ajeta sure "Nuh" (29), te ajet 15 dobit ćemo broj 43 ( $28+15=43$ ). A ukoliko pak taj broj oduzmemo od broja Kur'anskih sura (114) dobit ćemo tačno redni broj sure "Nuh" (71). Jer,  $114-43=71$ . Ovo znači da rođenje Imama (u sebi) zajedno sa lađom Ehli-Bejta daje Kur'an a Imami su "živi" Kur'an ( $43+71=114$ ).

#### ŠESNAESTA STEPENICA TARIKATSKOG PUTA

(Šesnaesti stepen uspinjanja na Nuhovu lađu, odnosno lađu Ehli-Bejta a.s.)

Ajet 16: "i na njima Mjesec svjetlim dao a Sunce svjetiljkom učinio".

Ovo je nastavak ajeta 15 i ukazuje da salik koji pređe 7 unutarnjih nebesa (spoznajnih stepeni duše) na njima uočava Mjesec koga je Bog svjetlim dao. Ovo je Imam el-Mehdi a.s. jer je rečeno: "Spoznaja Imama je spoznaja Allaha", a spoznaja Imama se odvija kroz spoznaju 7 vlastitih unutarnjih nebesa znanja. Zato je Poslanik a.s. rekao: "Ko spozna sebe spoznao je svoga Gospodara".

Pošto su u pitanju unutarnja nebesa (u ovom kontekstu) prvo je spomenut Mjesec (Imam), odnosno akcenat je stavljen na ta'vil Objave dok je Poslanik zadužen za tanzil, odnosno spuštanje Objave.

"Na njima" je (unutarnjim nebesima) Imam Mehdi je kao svijetli Mjesec koji izvornu svjetlost prima od svjetiljke, odnosno Muhammeda a.s.

Sunce, odnosno Poslanik a.s. je učinjen svjetiljkom jer Poslanik a.s. kaže: "Prvo što je Bog stvorio bila je moja svjetlost", te je stoga u ajetu upoređen sa

svjetiljkom koja je izvorna svjetlost. Mjesec pak prima svjetlost od sunca, te je kao svijetao "dat" da bi unutarnja strana Objave, odnosno izvorne svjetlosti, bila spoznata.

Nakon što je stvoreno Muhammedansko svjetlo ono je dato kao svjetiljka svjetovima, odnosno spas i putokaz ljudima, jer svjetlo može opstojati po sebi dok svjetiljka služi da osvijetli put drugima. Sveti Imami su Pravi Put navlastito. Pošto vilajet Svetih Imama dopire iz mjesta Poslaničke Poruke, Imam je (kao ta'vil Objave) kao takav dat dok je Muhammedansko svjetlo učinjeno svjetiljkom za dobrobit ljudi.

Pravi put je, dakle najprije osvijetljen Muhammedanskim svjetlom koje je učinjeno svjetiljkom iz čega proizilazi datost Mjesečeva (Imamova) svjetla koje je ta'vil Objave.

Šesnaesta stepenica, dakle pojašnjava primarnost jezgre nad ljuskom, a o čemu smo govorili. Imam Askeri a.s. je umro u 28-oj godini života, a Mjesec ima upravo 28 "kuća", odnosno stanja.

## SEDAMNAESTA STEPENICA TARIKATSKOG PUTA

(sedamnaesti stepen uspinjanja na Nuhovu lađu, odnosno lađu Ehli-Bejta)

Ajet 17: "Allah vas od zemlje poput bilja stvara".

Ajet je rednog broja 17, a znamo da će vlast Imama Mehdiya a.s. trajati 17 godina, te je povezano stvaranje čovjeka od zemlje sa stvaranjem poput bilja. Za Imama Mehdiya a.s. je rečeno u predaji kako "će mu zemlja izbaciti riznice svoje". Ove riznice predstavljaju (ezoterijski) savršenog čovjeka koji svjesno (u smislu znanja) objedinjuje (spoznajno biljni, mineralni, životinjski i ljudski duh) te biva zemaljski, savršeni ili potpuni čovjek (insan-al-kjamil).

Bez biljaka ne bi postojale ni životinje te je jasno da preko Imama Mehdiya a.s. u njegovom dobu ljudski duhovi postaju savršeni te zemaljski čovjek zadobija



svoju potpunost. Da ajet 17 i u izvanjskom smislu govori o Mehdijevom a.s. vremenu kazuje jedan hadis koji kaže: "Sudnji Dan neće nastupiti prije nego se u zemlji Arapa ne pojave rijeke i zelene livade", dakle bilje. U tom smislu se valja prisjetiti simbolike sijanja biljnog i ljudskog sjemena.

#### OSAMNAESTA STEPENICA TARIKATSKOG PUTA

(osamnasti stepen uspona na Nuhovu lađu, odnosno lađu Ehli-Bejta)

Ajet 18: "zatim vas u nju vraća i iz nje će vas izvesti".

Savršeni čovjek se vraća ljudima za njihovu dobrobit što je upravo vraćanje u zemlju, odnosno stanje animalnog čovjeka koji je "ispod zemlje", budući da nije ozbiljio svoju savršenu ljudskost.

"Izvesti" znači izvođenje na svjetlo dana, odnosno svjetlo spoznaje. Naravno, izvanjski obzir ajeta podrazumijeva izvođenje ljudi na Sudnji dan nakon što su u zemlju bili vraćeni odnosno pokopani.

#### DEVETNAESTA STEPENICA TARIKATSKOG PUTA

(devetnaesti stepen uspinjanja na Nuhovu lađu, odnosno lađu Ehli-Bejta)

Ajet 19: "Allah vam je zemlju ravnom učinio".

Ovo se također odnosi na savršenog čovjeka koji je savladao sve prepreke na putu, provalije, trnje, uzbrdicu i td. (naravno u ezoterijskom smislu) te mu je zemlja postala ravnom.

Ovo se odnosi na Imama koji je Pol zemlje, njen zaštitnik i razlog njenog održanja. Tek kada sve "neravnine" nestanu horizontalno ravan biva (relativno) dostupna i običnom čovjeku na duhovnom putu. Redni broj ajeta je 19, što sadrži 7 velikih Poslanika i 12 Imama (7+12=19), što predstavlja cjelinu zemaljskog duhovnog putovanja.

## DVADESETA STEPENICA TARIKATSKOG PUTA

(dvadeseti stepen uspinjanja na Nuhovu lađu, odnosno lađu Ehli-Bejta)

Ajet 20: "da biste po njoj hodili putevima prostranim".

Zemlja je, dakle, učinjena ravnom što znači bez ezoterijskih prepreka "da biste po njoj hodili putevima prostranim".

Putevi prostrani predstavljaju Pravi Put iz sure "Fatiha", a množina ("putevi") ukazuje na 12 Svetih Imama koji su Pravi Put navlastito. Kur'an kaže: "Mi ćemo im pružiti dokaze u prostranstvima nebeskim, a i u njima samima, sve dok im ne bude jasno da je on istina".

Dokaz za Kur'an u nebeskim prostranstvima znanja jeste upravo Imam kao "put prostrani", dakle široki a to je širina u grudima (bast).

Znakove tog stanja je Imam Sadik a.s. opisao na sljedeći način: "Okretanje prema kući vječnosti, povlačenje od kuće varki i spremnost na smrt prije stizanja smrti".

## DVADESET PRVA STEPENICA TARIKATSKOG PUTA

(dvadeset prvi stepen uspinjanja na Nuhovu lađu, odnosno lađu Ehli-Bejta)

Ajet 21: "Nuh reče: "Gospodaru moj, oni mene ne slušaju i povode se za onima čija bogatstva i djeca samo njihovu propast uvećavaju".

Vezano za ajet: "A onaj kome je dato znanje darovan je blagom neizmjenjnim, Imam Sadik a.s. je kazao: "Vjera u Allaha i poznavanje Imama".

Nuh na početku ajeta kaže kako ga "oni (njegov narod) ne slušaju. Neposlušnost je posljedica nevjerovanja a znak toga su da se oni "povode" dakle vođeni inercijom bez dubljeg razmišljanja jer je srce zamračeno i ne može da primi svjetlo Istine, a povodenje je za onima čija bogatstva i djeca samo njihovu

propast uvećavaju. Vidjeli smo šta je stvarno bogatstvo za razliku od lažnog. Vjera u Allaha i poznavanje Imama. "Poznavanje" Imama ne znači poznavati fizičku osobu Imama jer su oni bili dostupni vizuelnoj percepciji svih ljudi već znači spoznaju Imama u stanju njegove čiste svjetlosti, a što je upravo blago neizmjerljivo jer se svjetlost ne može mjeriti kvantitativno (u smislu težine), te je po tom, kako smo već kazali, to znanje (uz vjeru u Allaha) upravo "blago neizmjerljivo".

Muhammed a.s. je kazao: "Bog je djecu svih Poslanika plasirao u njihove kičme, dok je moju djecu plasirao u Alijevu kičmu".

Pošto kičma drži tijelo jasno je da se upropaštavanje djecom odnosi na ajet koji kaže: "... i među sinovima vašim imate neprijatelja, pa ih se pričuvajte". Naravno da dijete koje je neprijatelj on samo njihovu (očevu) propast uvećava a propast je samo rođenje takvog djeteta.

## DVADESET DRUGA STEPENICA TARIKATSKOG PUTA (dvadeset drugi stepen uspona na Nuhovu lađu, odnosno lađu Ehli-Bejta)

Ajet 22: "I velike spletke snuju".

Poslanik a.s. je rekao: "Ljudi spavaju, a kada umru probude se".

Oni ne shvataju da je realitet ovoga svijeta mašta, odnosno san jer da nije tako umjesto riječi "snovanje" bi bila upotrebljena riječ "razmišljanje" i slično.

Upravo zato su spomenute velike spletke jer su oni nesvjesni ništavnosti i prolaznosti, budući da su u snu i jer se ne bude.

A probuditi se može i prije smrti, kako to slavni hadis priopćava: "Umirite prije smrti", što znači razbudite duše iz sna nemara (gafla). Probuđenost srca, pak, podrazumijeva određen stepen znanja (sljedstveno tome i morala), te ljudi duhovnog puta nikada ne spletkare niti smišljaju takvo što.

## DVADESET TREĆA STEPENICA TARIKATSKOG PUTA

(dvadeset treći stepen uspinjanja na Nuhovu lađu, odnosno lađu Ehli-Bejta)

Ajet 23: "i govore: "Nikako božanstva svoja ne ostavljajte, i nikako ni Vedda, ni Suvaa, a ni Juka, ni Nesra ne napuštajte".

Od riječi "Vedda" se može izvesti Božije Ime "Vedud" (Stvoritelj) jer uprkos njihovom idolopoklonstvu oni ne mogu napustiti Božiju Milost koja obuhvata sve te im se daje do znanja da je Bog (i) prema njima Milostiv. Drugo ime (Suva) može asociirati na sreću, dok zadnje Nesr sugerira pobjedu (nasr). Ovo znači da se Nuhov narod (nesvjesno) kreće između sveopšte Božije Ljubavi (koja je primarna) i Nasr (Pobjede nad njima) koja je sekundarna) jer u konačnici Milost nadvladava srdžbu kako to i Bog Uzvišeni priopćava: "Moja Milost nadvladava Moju srdžbu", dok Kur'an kaže: "Svojom kaznom Ja kažnjavam koga hoću, a Moja Milost obuhvata sve". Kada bi nešto bilo izvan Božije Milosti ne bi uopće moglo biti u postojanju. Allah ne kaže da Svojom kaznom kažnjava onog ko je zaslužio već "koga hoće", što znači da se mnogi grijesi opraštaju uprkos tome što su ljudi zaslužili kaznu dok kazna ostaje za one koje Bog hoće kazniti ali ovo htijenje nije nikakva metafizička "samovolja", već se odnosi na najveće grijehe: širk, bezbožnost i pobunu protiv Boga.

## DVADESET ČETVRTA STEPENICA TARIKATSKOG PUTA

(dvadeset četvrti stepen uspinjanja na Nuhovu lađu, odnosno lađu Ehli-Bejta)

Ajet 24: "A već su mnoge u zabludu doveli, pa Ti njima inadžijama, samo propast povećaj".

Inat znači raditi nešto nasuprot očiglednim činjenicama, odnosno suprotstavljati se uprkos dokazanim argumentima. A takvi su već mnoge u zabludu doveli jer je poricateljska priroda čovjekova sklonija prihvatiti nešto što ne treba provjeru, odnosno argumente.

Nuh a.s. traži za inadžije "povećanje propasti". Imam Ali je rekao: "Propao je

čovjek koji ne poznaje vrijednost svoju", a što će reći vrijednost svoje nebeske, primordijalne prirode. Pošto su inadžije oni se opiru očitim argumentima (jer je inat opiranje kao vrsta pobune). Nuhu je preostalo jedino da im poveća zabludu koja i jeste pomenuta propast. Što neko manje živi manje će vremena provesti u zabludi, te je Nuhova molba za njegov narod ustvari milost.

Da im istina (preko fitreta) nije bila poznata, ne bi mogla biti niti opovrgnuta.

## DVADESET PETA STEPENICA TARIKATSKOG PUTA

(dvadeset peti stepen uspinjanja na Nuhovu lađu, odnosno lađu Ehli-Bejta)

Ajet 25: "I oni su zbog grijehova svojih potopljени, i u vatru će biti uvedeni, i nikoga sebi, mimo Allaha, kao pomagača, neće naći".

Potopljени su oni koji su potonuli u talasima materijalnih gibanja. Kaže se kako će u vatru biti uvedeni. Ne kaže se "ući", već upravo biti uvedeni. Na duhovni put duhovni putnik biva uveden putem uvodničkog lanca (sillsilah), baš kao što suprotna strana (griješnici) bivaju uvedeni u vatru lancima ali jedne druge vrste, a to su sindžiri.

Ipak, i oni u vatri imaju Allaha kao pomagača, jer je on stvorenja uveo u postojanje na osnovu svoje Milosti, a ne Srdžbe. U Nuhovu slučaju zaštita je Ali a.s. kao Apsolutni Imam, odnosno Pečat Apsolutnog Vilajeta, koji je sa svakim Poslanikom poslan tajno, a sa Muhammedom a.s. javno.

Muhammed a.s. je rekao: "Ali je pomagač svakom vjerniku nakon mene". No, u funkciji tajnog, Apsolutnog Imama on je pomagač svakom vjerniku i prije Muhammeda a.s.

Kao pomagač se navodi Allah (u ajetu 25), a Allah djeluje preko savršenog čovjeka (ovdje Alija a.s.) jer Bog, kao što znamo, kaže:

"Kada zavolim Svog roba, Ja bivam njegov vid, sluh, ruka, noga..."

## DVADESET ŠESTA STEPENICA TARIKATSKOG PUTA

(dvadeset šesti stepen uspinjanja na Nuhovu lađu, odnosno lađu Ehli-Bejta)

Ajet 26: "I Nuh reče: "Gospodaru moj, ne ostavi na zemlji nijednog nevjernika".

Ova dova nije uslišana jer Allah hoće da na zemlji postoje i vjerujući i poricatelji kako bi se stvari spoznavale preko svojih suprotnosti, a to je i jedini mogući (ispravan) put spoznaje.

## DVADESET SEDMA STEPENICA TARIKATSKOG PUTA

(dvadeset sedmi stepen uspona na Nuhovu lađu, odnosno Ehli-Bejta)

Ajet 27: "Jer, ako ih ostaviš, oni će robove Tvoje u zabludu zavoditi i samo će grijешnika i nevjernika rađati".

No, ovo je potvrđeno u preegzistenciji (ezel), kada su ljudi pokazali različite sklonosti unutar ugovora s Bogom, Božije Jedinstvo su na kraju potvrdili svi ali na različite načine. Bivajući svjestan ovoga u narednom ajetu (28) koji je i posljednji ajet, Nuh pravi izvjestan otklon.

## DVADESET OSMIA STEPENICA TARIKATSKOG PUTA

(dvadeset osmi stepen uspinjanja na Nuhovu lađu, odnosno lađu Ehli-Bejta)

Ajet 28: "Gospodaru moj, oprosti meni i roditeljima mojim, i onome koji kao vjernik u moj dom uđe, i vjernicima i vjernicama, a nevjernicima samo pro-past povećaj".

Imam Hasan-al-Askeri a.s. je umro u 28-oj godini života, kada je nestao i njegov mladi sin, Imam el-Mehdi.

Njgovo Veliko skrivanje traje i danas, sve dok mu Allah (pred Sudnji Dan) ne da dozvolu da se obznani.

Nuh najprije traži oprost njemu i roditeljima svjestan da je Allah dž.š. gospodar svih ljudi, te mu se i obraća na tom nivou. U pitanju su manevijski (duhovni roditelji) jer Poslanik a.s. kaže: "Ja sam roditelj svakom vjerniku i vjernici". Nije upotrijebio izraz "musliman", već roditeljima, te vjernicima i vjericama, dakle sljedbenicima Ehli-Bejta a.s. Posebna kategorija jesu "onaj koji kao vjernik u moj dom uđe". Pošto su vjernici i nevjernici iza toga spomenuti oni koji kao takvi u Nuhov dom uđu jesu posebna kategorija.

Takvi su već prešli 28 stepenica puta uspona na Nuhovu lađu i oni su inicirane šije, inače ne bi posebno bili izdvojeni od ostalih vjernika i vjernica koji su spomenuti kasnije. Upotrijebljena je riječ "vjernik" (dakle muški rod), što znači da se radi o vrlo visokim stupnjevima bliskim Imametima. "Dom" jeste Kuća Čista (Muhammed, Fatima i 12 Svetih Imama), a u skladu sa poznatim već razmatranim hadisom: "Moj Ehli-Bejt je poput Nuhove lađe, ko se popne spašen je, ko izostane potopljen je". Duhovni putnici su se dakle popeli na Nuhovu lađu, odnosno ušli u Dom Čiste Kuće, a vidimo kako je Muhammed a.s. u pomenutom hadisu to dvoje izjednačio. Stepence uspona su, kako znamo, temelj Imameta, jer broj ajeta sure "Nuh" je 28, a znamo kako je Imam Askeri a.s. umro u 28-oj godini života kada je nestao i njegov sin, Imam el-Mehdi.

Zbog toga, onaj ko je prešao 28 stepenica sada uspevši se na lađu spoznaje tajnu Male i Velike skrivenosti, odnosno spoznaje 14 Bezgriješnih, u stanju njihove čiste svjetlosti.

"Stepenice" možemo motriti i kao 28 "užadi" bačenih sa lađe u haotično stanje ovosvjetskog kako bi se spasili, odnosno popeli na lađu Ehli-Bejta.

Kur'an kaže: "Svi se čvrsto Allahova užeta držite i nikako se ne razjedinjujte".

Imam Sadik a.s. je potvrdio da je to uže Ehli-Bejt a.s. Preko 28 užadi spuštenih u more ovosvjetskog gibanja i nestalnosti duhovni putnici se uspinju na 14 lađi. Znamo da se riječ "lađa" spominje u 14 ajeta što sukladira sa Nuhovom lađom, odnosno lađama Ehli-Bejta a.s.

Svaka lađa ima specifične putnike shodno njihovoj ovozemaljskoj i primordijalnoj sklonosti. Na kraju ajeta 28 (sure "Nuh") se kaže: "... a nevjernicima samo propast povećaj". Kako je, kao što znamo, Imam Ali kazao kako je "propao čovjek koji ne poznaje vrijednost svoju", Nuhovo traženje povećanja propasti nevjernika je molba za njihovo što veće udaljavanje od vlastite primordijalne prirode, a što su upravo i zaslužili upornim odbijanjem Nuhovog poziva u Islam.

Stepenice, odnosno užad uz pomoću kojih se Salik uspinje na lađu Ehli-Bejta imaju značenje duhovnog putovanja uz znanje koje se povećava približavaju samom ulasku u lađu. Ulaskom u Dom Kuće putnik je spreman za hakikatske istine duhovnog puta a što se postiže plovidbom na jednoj od 14 lađi. Naravno, to znanje uključuje i spoznaju o malom i velikom skrivanju Imama Mehdijs a.s. jer je rečeno: "Ko spozna svog Imama, spoznao je Allaha". Usponom na lađe, dakle započinje plovidba marifetskim morima i dosezanje zbilja duhovnih istina.

#### ČETRNAEST LAĐA BEZGRIJEŠNIH (Muhammed a.s., Fatima a.s. i 12 Imama a.s.)

#### LAĐA POSLANIKA MUHAMMEDA A.S.

Sura 2, "Krava", ajet 164, 286 ajeta

Ajet 164: "Stvaranje nebesa i Zemlje, smjena noći i dana, lađa koja morem plovi s korisnim tovarom za ljude, kiša koju Allah pušta s neba pa tako u život vraća Zemlju nakon mrtvila njezina- po kojoj je rasijao svakojaka živa bića, promjena vjetrova, oblaci koji između neba i zemlje lebde-doista su dokazi za one koji imaju pameti".

Na lađu Poslanika Muhammeda se uspinje 164 putnika jer je to broj ajeta u kojem se spominje lađa. Najprije je u ajetu spomenuto nebo, odnosno nebesa. Upitan jedanput o ajetu ("Tako Mi neba sazvijezđima okićenog") Mu-



hammed a.s. je kazao: "Nebo je moja osobnost, a sazviježđa su sveti Imami, njih 12". Ezoterijski, nebo (odnosno nebesa) predstavlja ono prvostvoreno odnosno Muhammedansku svjetlost dok 12 svjetlosnih zastora preko kojih se Muhammedanska svjetlost (12 Imama) spušta u stvoreni svijet predstavlja "sazviježđa okićena". Imami su okićeni potpunom spoznajom i najljepšim moralom i oni su "najbolja stvorenja", kako to Kur'an kaže. "Zemlja" spomenuta u ajetu 164 (sure "Krava") jeste "zemaljski Muhammed" gdje je zemlja njegovo privremeno boravište. Šta je suština zemaljskog postojanja 12 Svetih Imama a.s. pojašnjeno je u suri "Vijest" (ajet 7) gdje se kaže kako je Allah postavio "planine stubovima". Planina je mudrost u dosezanju znanja (za sljedbenike) a stubovi Zemlje jesu 12 Svetih Imama, po jedan u svakom vremenu. Ajet 13 potvrđuje da je u pitanju svjetlost Muhammedova i svjetlost njegovih 12 Imama a.s. Ajet 12 kaže: "i iznad vas sedam silnih sazđali", ali se nebesa ne spominju već se to odnosi (ezoterijski) na 7 velikih Božijih Poslanika a.s. (Adem, Nuh, Ibrahim, Davud, Musa, Isa i Muhammeda a.s). Oni su "ljudi Knjige", oni koji su obznanili božije uputstvo ljudima i po tome su (relativno silni) jer nema snage niti moći osim u Allaha. Pošto je sila krajnji intenzitet snage po tom su je neki od ovih poslanika primjenjivali u odbrambene svrhe.

Zatim ajet 13 kaže: "i svjetiljku plamteću postavili". Plamteća svjetiljka predstavlja Muhammedansko svjetlo a postavljena je da svijetli ljudima u obliku Zakonodavnog Poslanstva (Poslanik Muhammed), te duhovnog smisla (aspekta) vjere - nebeski Ahmed. Plamen jeste svjetlo 14 masuma, jer svjetlina kao takva može biti ugašena ili sakrivena (te onda ne koristi) ljudima da osvijetli put (prostor). Nakon ovoga se u ajetu 164 kaže: "lađa koja morem plovi sa korisnim tovarom za ljude. "Lađa je kao što znamo prva (od 14 ajeta) spomenuta lađa u Kur'anu, lađa poslanika Muhammeda, i na njoj se uvijek nalaze 164 putnika. Naravno, i lađa i putnici su ezoterične prirode, nevidljivi fizičkim čulima. Upravo je vilajet 12 Imama "korisni tovar" za ljude na lađi a riječ "tovar" ukazuje na teret u skladu sa poznatim hadisom Imama Džafera Sadika a.s. "Naša stvar je teška i otežana. Mogu je nositi jedino melek višeg reda, Poslani Vjerovjesnik ili vjernik čije će srce Bog iskušati".

Prema tome, to je korisni tovar na Muhammedovoj a.s. lađi Ehli-Bejta.

Od 164 putnika koliko ih stalno ima na Muhammedanskoj lađi, ukoliko jedan umre zamjenjuje ga drugi tako da je broj stalno isti. Oni koji završe obuku znanja vraćaju se u ovaj svijet i miješaju se sa ljudima mada ovi ne znaju ko su oni.

Zatim se u ajetu 164 (sure "Krava") kaže: "kiša koju Allah spušta s neba pa tako u život vraća zemlju nakon njezina mrtvila".

Vidjli smo da je "nebo" Muhammedova a.s. osobnost, kiša je Božija Milost Znanja te se tako oživljavaju mrtva srca u ljudima, odnosno iz mrtvila nemara (gaflat) se budi zemaljski čovjek. Time prestaje njegova duhovna smrt. Jer, bez probuđenog srca stvarnog života na ovome svijetu nema kako to i priopćava poznata predaja: "Ljudi spavaju a kada umru, probude se". Srce spava snom nemara i ukoliko ga ne dotaknu kapi Božanske milosti (kiša) on se budi tek smrću vlastitog tijela budući da je smrću srca duša duboko utonula u san za-borava, a što znači budnost za ovaj svijet u smislu njenih strasti.

Po Zemlji je kako kaže dalje ajet 164 Allah "rasijao svakojaka živa bića". Na izvanjskom nivou riječ je o biljnom te životinjskom svijetu.

Ezoterijski, riječ je o rasi Ademovaca (70000) prije zemaljskog Adema čija su srca na svoj način također oživljavana. Posebne kategorije jesu insi-džini, preci zemaljskog Adema, ili ono što današnja evolucionistička teorija određuje pod pojmovima "Australipitekus", "Pekinški čovjek" i sl.

Nakon toga se spominje "promjena vjetrova". Poslanik a.s. je kazao: "Razmi-moilaženje moje zajednice je milost", a upravo to je (ezoterijski motreno) "promjena vjetrova" jer promjena vjetra znači promjenu pravca a pravaca je u Islamu mnogo.

Muhammed a.s. je rekao: "Jevreji su se podijelili na 71 skupinu, kršćani na 72, a moj ummet na 73. Sve će u vatru osim jedne". Poslanik nije otkrio koja je to spašena grupa ali jedan drugi hadis pojašnjava to pitanje. "Svaka stvar ima svoj osnov a osnov Islama je ljubav prema Ehli-Bejtu", rekao je jedan

od Svetih Imama. Naravno, u egzoterijskom smislu je svaki pravac dobar i svaki je gajio (djelimično) ono zaboravljeno ili potisnuto zbog povijesnih, političkih i drugih razlika. U svakom slučaju ljubav prema Ehli-Bejtu je (i danas) prisutna unutar svih Islamskih pravaca.

Različiti pravci (mezheb) su prilagođeni mentalnim, socijalnim i kulturološkim potrebama ljudi i svi su oni dobri kao što je dobra i svaka druga vjera. Važna je praksa a ne formalno obredoslovlje.

Kod nas (u Bosni) djeluje Hanefijski mezheb kao preovladavajući i to je vjera naših djedova i predaka koja zaslužuje punu pažnju.

Kraj ajeta 164 (sure "Krava") kaže: "Oblaci koji između neba i Zemlje lebde"-doista su dokazi za one koji pameti imaju".

Ovo predstavlja Imamet 12 Imama koji posjeduju znanje o zemaljskom (a što je šerijat) te nebeskom (a što je hakkikat). Oblaci između neba i zemlje lebde, jer je Imam kao savršen čovjek istovremeno nebeski čovjek (potpuno neovisan o materijalnoj egzistenciji) ali istovremeno i fizički čovjek koji živi prirodni, zemaljski život. Na taj način "oblaci" (Imami) "lebde" u formi međustanja između potpuno zemaljskog i svijeta svjetlosti uključujući u svoju egzistenciju i jedan i drugi svijet. Imami su dokazi Božiji na zemlji Njegovoj kako to i kaže u završetku ajeta 164 ("doista su dokazi za ljude koji pameti imaju"). A "pamet" podrazumijeva neizbježno znanje o tome da se Poslanstvo nastavlja Imametom te da je Imam Pol svijeta.

Na Muhammedovoj a.s. lađi duhovni putnici spoznaju svijet Muhammedanske Svjetlosti.

LAĐA IMAMA ALIJA a.s.

Sura "Bedemi" (7), ajet 64, 206 ajeta.

Ajet 64: "Ali su ga oni lažcem smatrali pa smo njega i one koji su bili uz njega

u lađi spasili, a one koji u dokaze Naše nisu vjerovali - potopili, uistinu, oni su pravi slijepci bili".

Ezoterijski motreno, Imama Alija su smatrali lažljivcem po pitanju naslijeđa Poslanikovog iako ga je sami Muhammed a.s. proglasio nasljednikom i vođom muslimana nakon njega. Poznati slučaj proklinjanja (međusobnog) od kojeg su protivnici odustali (mubahela) kaže "a dodite i vi sami", što je Poslanik protumačio da se radi o njemu i Aliju, koji je bio njegov nefis (duša). To potvrđuju mnogi hadisi Poslanikovi: "Ja i Ali smo jedna te ista svjetlost" ili "Ja i Ali smo bili jedna svjetlost 14000 godina prije nego je Bog stvorio zemaljskog Adema".

Da je Ali a.s. nasljednik Muhammeda a.s. potvrđuje i redni broj ajeta kojega razmatramo a to je broj 64, koji dolazi iza broja 63, a znamo da je Poslanik a.s. umro u 63-toj godini života.

Oni koji su bili u lađi zajedno sa Alijem su spašeni. Vezano za ajet: "Oni koji vjeruju i čine dobra djela, oni su zbilja najbolja stvorenja", Muhammed a.s. je rekao: "O, Ali, ovo se odnosi na tebe i tvoje sljedbenike i vi ste spašeni na Sudnjem Danu". Ovo pojašnjava ko su bili oni koji su u lađi spašeni uz Imama Alija a.s. Broj od 64 duhovnjaka je konstatan na Alijevoj ezoteričnoj lađi. Četrnaest prečistih je smješteno u 14 lađi (u 14 ajeta se znamo spominje riječ "lađa") koje naravno nisu građevine od "drвета i klinaca" kakva je bila Nuhova lađa, već ezoterične, duhovne "nosiljke" na putu spoznaje Svetih Imama.

U ajetu 64 se dalje kaže kako oni "koji u dokaze Naše nisu vjerovali" (a dokazi su Sveti Imami na Zemlji Njegovoj) bivaju potopljeni u prividima ovozemaljskog. Ta zaslijepljenost se jasno naznačava na kraju ajeta "...oni su pravi slijepci bili".

Ali a.s. je rekao: "Kada neko nešto voli njegovo srce oslijepi", što znači da je pogubna ljubav na ovom svijetu a ne svijet sam po sebi. Kur'an kaže: "...ali nisu slijepi oči već srca u grudima čime se potcrtava duhovno slijepilo, odnosno mrtvilo srca.

Imam Husejn a.s. je rekao: "Ljubav prema ovome svijetu je glava svakog grijeha". On nije rekao da je sklonost ili korištenje ovim svijetom glava svakog grijeha jer Allah je ovaj svijet i stvorio za čovjeka kako bi se on koristio Njegovim blagodatima već je akcenat stavljen upravo na ljubav (ka ovom svijetu) a već smo vidjeli kako "čovjeka oslijepi ono što on voli".

Sura "Bedemi" ima 206 ajeta. Ukoliko oduzmemo ajet 64, dobit ćemo broj 142 (206-64=142). Ukoliko pak od ovog broja oduzmemo broj Kur'anskih sura (114) dobit ćemo tačno broj 28, smrt Imama Askerija i početak Okultacije Imama Mehdijs a.s. Jer, 142-114=28.

Prema tome, u suri "Bedemi", odnosno na lađi Imama Alija spajaju se dva pečata; pečat Apsolutnog (Imam Ali) te pečat Muhammedanskog Vilajeta (Imam el-Mehdi). Na Alijevoj lađi duhovni putnici (njih 64) spoznaju svijet Muhammedove stvarnosti.

LAĐA FATIME a.s.

Sura 11, "Hud", ajet 37, 123 ajeta.

Ajet 37: "I gradi lađu pred Nama i po Našem nadahnuću, i ne obraćaj Mi se više zbog nevjernika-oni će sigurno biti potopljeni".

Dvanaest svjetala (Svetih Imama) je bilo položeno ispred Božijeg Prijestolja prije nego je bilo šta stvoreno. Njihovo preegzistentno stvaranje podrazumijeva i njihove ezoterične lađe jer je Poslanik njegov Ehli-Bejt usporedio sa Nuhovom lađom, te zbog toga ajet 37 kaže: "gradi lađu pred Nama", jer je 12 svjetala preegzistentno bilo položeno "pred" Allahom Uzvišenim. Ajet zatim dodaje- "i po Našem nadahnuću...".

Od Fatimijske lađe dalje idu lađe Hasana a.s. i Husejna a.s., njenih blagoslovljenih sinova.

Najprije je spomenuta preegzistentna svjetlosna priroda Svetih Imama, a onda

Božansko nadahnuće jer je Bezgriješnost pretpostavka takvog nadahnuća. Jer, "pred Nama" označava svjetla položena ispred Božanskog prijestolja, a onda Božije nadahnuće putem kojeg je izgrađena svaka od 14 lađi Bezgriješnih.

Vezano za nadahnuće Bog spominje kako je nadahnuo pčelu: "Pravi sebi kuće u brdima i u dubovima i u onome što naprave ljudi (ajet 68 sure "Pčele"). Ajet 69 (sure "Pčele"): "zatim, hrani se svakovrsnim plodovima, pa onda idi stazama Gospodara svoga poslušno. Iz utroba njezinih izlazi piće različitih boja koje je lijek ljudima. To je, usitinu dokaz za ljude koji razmišljaju".

U oba slučaja (lađa i pčela) spomenuto je Božije nadahnuće. U ajetu 68 upotrijebljena je jednina ("Pčelu"), te se to ezoterički odnosi na Fatimu a.s. Dalje se kaže: "pravi sebi kuće u brdima i u dubovima i u onome što naprave ljudi". Iako je "pčela" (Fatima a.s.) spomenuta u jednini "kuće" su spomenute u množini jer je Fatima a.s. majka dvojice Imama, Hasana a.s. i Husejna a.s., te su to dvije sobe ("kuće") unutar Poslaničke Kuće, odnosno dva stuba Poslaničkog doma. "Brda" predstavljaju učenost Svetih Imama koju su u odnosu na ostale ljude uzdignuti kao brda.

Iza toga se spominje pravljenje kuća u "dubovima", što podrazumijeva udubljenost, odnosno udubinu.

Ajet 35 sure "Svjetlost" kaže: "Allah je izvor svjetlosti nebesa i zemlje. Primjer svjetlosti Njegove je udubina u zidu u kojoj je svjetiljka, svjetiljka je u kandilju, a kandilj je kao zvijezda blistava koja se užije blagoslovljenim drvetom maslinovim, ni istočnim ni zapadnim, čije ulje gotovo da sija kad ga vatra i ne dotakne, sama svjetlost nad svjetlošću! Allah vodi ka svjetlosti Svojoj onoga koga On hoće. Allah navodi primjere ljudima, Allah sve dobro zna".

Ovaj ajet smo komentarisali u prijašnjim knjigama te ćemo se kratko osvrnuti na ovaj kontekst koji razmatramo. Udubina u zidu je Vilajet 12 Imama a svjetiljka Fatima a.s. kao nositeljica 2 svjetla, svjetla Poslanstva i svjetla Vilajeta.

Zatim se u ajetu 68 sure "Pčele" kaže: "i u onome što naprave ljudi a što je ku-

ća Čista unutar duhovnog putnika, odnosno izgradnja savršenog čovjeka (6+8=14 Prečistih).

Ajet 69 sure "Pčele" dalje kaže: "Zatim se hrani svakovrsnim plodovima Gospodara svoga pa onda idi stazama Gospodara Svoga poslušno. Iz utroba njihovih izlazi piće različitih boja koje je lijek ljudima. To je, uistinu dokaz za ljude koji razmišljaju".

Hrana svakovrsnim plodovima (gnoze) rezultira hod stazama Gospodara poslušno, a to je Pravi Put što su Imami (iz Fatiminog potomstva) navlastito. Spomenuta je množina ("staze") jer je Svetih Imama 12. Poslije ovoga se spominju "utrobe njihove", a što je batin (iznutarnost) učenja Ehli Bejta a.s. "Iz utroba njihovih", kaže dalje ajet "izlazi piće različitih boja koje je lijek ljudima".

Izvanjski obzir ajeta govori o medu, to ovdje dalje nećemo komentirati. Tačnije, med nije ni spomenut već "piće", jer nakon stupanja na Pravi Put, odnosno stazu javljaju se različita stanja (hal) i stepeni (mekam), što ponekad rezultira duhovnim pijanstvom te su pojedinci takvih halova (u sufizmu) "pijanice", a duhovno pijanstvo je lijek ljudima jer proširuje opseg svijesti i put je približavanja Allahu.

Piće je "različitih boja". Ovo su boje koje ukazuju na stepen duhovnog putnika, počinju sa crvenom (nefsi emmare) a završavaju sa crnom (nefsi mutmeine).

Tako je u ovom kontekstu.

Ajet završava: "to je, usitinu dokaz za ljude koji razmišljaju", a Imam je dokaz Božiji na Zemlji Njegovoj. Do te činjenice se dolazi "razmišljanjem", jer zdravorazumska logika neminovno dovodi do zaključka da Poslanik mora imati nasljednika koji je iznutarnji tumač Objave i stub na zemlji Njegovoj.

Na Fatimijskoj lađi boravi 37 duhovnjaka.

Svijet koji se spoznaje jeste svijet Muhammedanskog naslijeđa.

LAĐA IMAMA HASANA a.s.

Sura "Hud" (11), ajet 38, 123 ajeta.

Ajet 38: "On je gradio lađu. I kad god bi pored njega prolazile glavešine naroda njegova, rugale bi mu se. "Ako se vi rugate nama" - govorio je on - "rugaćemo se i mi vama, onako kako se vi rugate".

Preuzimajući ezoterijsku strukturu lađe Ehli-Bejta od svoje majke Fatime a.s. (ajet 38 dolazi odmah iza ajeta 37), a što smo vidjeli podrazumijeva Poslanstvo, Vilajet i Savršenog čovjeka Imam Hasan a.s. gradi svoju gnostičku lađu.

Na tim temeljima. Glavešine naroda njegova su mu se rugale jer sama činjenica da je neko "glavešina" u principu podrazumijeva odanost ovome svijetu, a što je neznanje jer onaj ko zna da svako stvorenje ima svrhu i smisao na Zemlji nikada se neće rugati. Ruganje je samo po sebi neznanje. Imam Hasan odgovara da će im biti odgovoreno na isti način, jer je rečeno: "Plemenitog čovjeka oprost popravljajući dok pokvarenog kvari", te bi ovdje opraštanje imalo suprotan efekat. A pravda je važnija od oprosta.

U ajetu se kaže: "Rugaćemo se i mi vama onako kako se vi rugate". Nije rečeno "nama", jer zbiljsku prirodu Ehli-Bejta poricatelji ne mogu dohvatiti.

Ajet 112 sure "Hud" kaže: "Ti idi Pravim Putem, kao što ti je naređeno, i nek tako postupe i vjernici uz tebe i obijesni ne budite, jer On dobro vidi ono što radite".

Redni broj ajeta (112) ukazuje na 100 Lijepih Božijih Imena i 12 Imama (100+12=112), a znamo kako su Imami ponavljali da su oni Lijepa Allahova Imena. Muhammed a.s. je kazao kako ga je ova sura "osijedila" zbog pomenu-tog ajeta. Sijedost (El-vekar) je dostojanstvo. Kada je Ibrahim a.s. primjetio sijede dlake u svojoj bradi pitao je: "Šta je ovo?". Allah je odgovorio: "Dostojanstvo". Dakle, zahir Poslanikove sijedosti je strah da li će njegovi sljedbenici krenuti Pravim Putem, dok je batin te sijedosti dostojanstvo sljedbenika, jer



slijede posljednjeg i najvećeg Poslanika, Muhammeda a.s. radi kojega su stvoreni svjetovi.

Dalje se u ajetu 112 kaže: "I objiesni ne budite, jer On dobro vidi šta radite".

38 duhovnjaka na Hasanovoj a.s. lađi jesu "vjernici uz tebe", a to su inicirane š'ije, jer znamo da svaka od 14 Lađi Bezgriješnih ima tačno određen broj duhovnjaka.

Ajet je rednog broj 112. Ukoliko oduzmemo broj ajeta Hasanove Ehli-Bejtske lađe (38), dobit ćemo broj 74, a to je broj ljudi koji su u Okultaciji sa Imamom Mehdiem.

Sedamdeset peti čovjek u okultaciji je Imam Mehdi a.s. lično.

Zatim se kaže: "i objiesni ne budite, jer On dobro vidi šta radite". Ajet se ne odnosi općenito na vjernike već kako je i rečeno "i vjernici uz tebe" (koji treba da idu Pravim Putem, tj. Plove na lađi Imama Hasana a.s.).

Jedan hadis priopćava: "Propast učenjaka je u zavisti". Ovu vrstu učenjaka prati neznanje o tome kako je u Bitku jedini Znalac Allah Uzvišeni, a On ljudima (u relativnom smislu) daruje onoliko znanja koliko On hoće. Ko god je svjetan ove činjenice ne može biti zavidan na znanju budući da je njegovu raspodjelu preuzeo na sebe Allah pa kako da zavidimo što dobijamo ono što ionako nije naše. No, kada su tok svijeta i dešavanja u njemu pripisuju uzrocima (a ne Bogu) onda dolazi do zavisti a objiest je jedan dio toga jer se sebi pripisuje ono što je Allahovo (tj. znanje). Obijest naravno može imati i druge uzroke koji su i najčešći kao što je objiest bogatstvom, položajem i slično, ali objiest zbog znanja je najgora te stoga Allah Uzvišeni u ajetu dodaje - "jer On dobro vidi šta radite", - a onaj ko je uvijek svjestan Božijeg prisustva po prirodi stvari ne može biti objiestan.

Sa Imamom Hasanom a.s. na lađi Ehli-Bejta putuje 30 duhovnjaka. Svijet koji se spoznaje jeste svijet Muhammedanske usredištenosti.

## LAĐA IMAMA HUSEJINA a.s.

Sura 11, "Hud", ajet 40, 123 ajeta.

Ajet 40: "I kad je zapovijed Naša pala, i voda s površine zemlje pokuljala, Mi smo rekli; "Ukrcaj u lađu od svake životinjske vrste po jedan par, i čeljad svoju - osim onih o kojima je bilo govora - i vjernike" - a malo je bilo onih koji su s njim vjerovali".

Ukoliko od ajeta 112 sure "Hud" (koji uključuje 100 Lijepih Božijih Imena te 12 Svetih Imama),  $100+12=112$  oduzmemo ajet Hasanove svjetlosne lađe (38) dobit ćemo tačno broj boraca koji su se sa Husejinom a.s. borili na Kerbeli. Jer,  $112-38=74$ , poznato je da su sa Husejinom a.s. bila 74 čovjeka. Ukupan broj ajeta sure "Hud" je broj 123. Ukoliko oduzmemo (od tog broja) broj Kur'anskih sura (114) dobit ćemo broj 9 ( $123-114=9$ ). Stavivši jedanput ruku na glavu Imama Husejina (koji je tada bio još dijete), Muhammed a.s. je rekao: "Devet će Imama biti poslije njega, od kojih je deveti Kaim (Mehdi a.s.).

Ezoterijski, ajet 40 sure "Hud" govori o bici na Kerbeli. Ajet počinje navođenjem neodgodivog sudbinskog časa na Kerbeli (I kad je zapovijed Naša pala).

Promjene nema i neminovno će uslijediti događaji koji predstoje. Voda je s površine Zemlje pokuljala što označava smutnju koju je izazvao Jezid kada je sa svojom vojskom napao Imama Husejina a.s. i malu grupu oko njega. Tada dolazi božija naredba i to na razini riječi ("Mi smo rekli") a Bog Uzvišeni kaže - "Moja riječ se ne mijenja...", dakle naredba da se u lađu (spasa, tj. Ehli-Bejta) ukrca od svake životinjske vrste po jedan par što je uravnoteženost životinjskog duha u čovjeku koji objedinjuje sve svoje snage.

Zatim se spominje čeljad (Kuće) a kasnije vjernici te je jasno da je to dvoje razdvojeno. "Čeljad" je čeljad Kuće Čiste. Imam Sedžad a.s. koji zbog bolesti nije mogao učestvovati u borbi je preživio Kerbelu (dakle bio ukrancan na Husejinovu svjetlosnu lađu Ehli-Bejta, također h. Zejneb, Husejinova sestra i još neki ljudi.

Izuzimaju se oni "o kojima je bilo govora", a to su svi oni koji su dali načelnu podršku Husejinu (u Iraku) ali su to kasnije porekli i razbježali se. Pošto je to bilo prije same bitke na Kerbeli jasno je da su to oni o "kojima je bilo (prije) govora", kako ajet i kaže.

Zatim se spominju vjernici i kaže se da ih je bilo malo. Njihov broj je bio 40 jer je to redni broj ajeta sure "Hud", koji predstavlja lađu Imama Husejina a.s.

Svijet koji se spoznaje jeste svijet Muhammedove a.s. hrabrosti, jer je za Husejina Poslanik rekao: "Ovaj moj sin će biti ubijen".



Novac iz Nuhovog vremena

Priroda i životinjski svijet su plakali usljed ubistva Imama Husejina a.s. a ispod kamenja se pojavljivala krv.

## LAĐA IMAMA SEDŽADA a.s.

Sura 11, "Hud", ajet 44, 123 ajeta.

Ajet 44: "I bi rečeno: 'O, Zemljo, gutaj vodu svoju, a ti, o, nebo, prestani.' I vođa se povuče i ispuni se odredba a lađa pristade na planinu El-Džudi, i bi rečeno: 'Daleko nek je narod nevjernički'".

Arapsko ime Dževad (što asocira na el Džudi) označava darežljivost, velikuodušnost.

Početak ajeta kaže: "I bi rečeno". Ne kaže se ko kaže ali se to odnosi na Imama Sedžad a.s. jer su Imami riječ Božija, Svjetlo Božije, Strana Božija. Zatim se naređuje zemlji da guta vodu, a nebu da prestane.

Zemaljska voda je svakako smutnja koju je izazvao Jezid na Kerbeli te Imam Sedžad a.s. naređuje prestanak smutnje. Naravno, njeni nosioci nisu toga bili svjesni. Potom se u ajetu kaže - a ti, o, nebo, prestani. U izvanjskom značenju riječ je o tome da nebo prestane liti kišu ali se ove riječi u ajetu ne spominju, već se samo kaže "prestani". Muhammed a.s. je rekao vezano za ajet: "Tako Mi neba sazviježđima okićenog" - "Nebo je moja osobnost a sazviježđa su Sveti Imami, njih dvanaest".

Nebo i zvijezde su jedna cjelina. Kako su zvijezde orijentacija putnicima, na duhovnom nebu Muhammedovom a.s. dolazi do zabrane pružanja svjetlosnih znakova usljed tragedije na Kerbeli. Bila su to teška vremena za sljedbenike Ehli-Bejta, te je Imam Sedžad u jednom periodu imao samo 4 sljedbenika.

Duhovni mrak je zavladao zemljom.

Sedžadova a.s. lađa pristaje na planini El-Džudi. Povijesni kontekst mogućeg pronalaza fizičkih ostataka lađe je manje bitan, darežljivost je planina na koju je pristala Sedžadova lađa. Ponovo se koristi neodređen izraz: "i bi rečeno", što je isijavanje svjetlosti Imama.

Pošto je Imam Sedžad imao samo 4 sljedbenika daljom aktivnošću njegova sina Bakira a.s. Ehli-Bejtsko učenje se širi na sve strane svijeta (odnosno 4 strane).

Na kraju ajeta se kaže: "...daleko nek je narod nevjernički, što je znak da potopom nisu uništeni svi ljudi, iako najveći dio jeste".

LAĐA IMAMA BAKIRA a.s.

Sura 18, "Pećina", ajet 71, 110 ajeta.

Ajet 71: "I njih dvojica krenuše. I kad se na lađu ukrcaše, onaj je probuši. "Zar je probuši da potopiš one koji na njoj plove?" Učinio si doista nešto vrlo krupno!"

Lađa Imama Sedžada je pristala na planinu el-Džudi. U ajetu 71 riječ je o poznatom susretu Hidra i Musa - a.s. kada je Hidir probušio lađu (o ovome pogledati knjigu "Hramovi mudrosti", od istog autora). Lađa je probušena da ne bi otišla predaleko, do takvih dubina koje su običnom puku nerazumljive. Riječ je naravno o ezoteričnim dubinama učenja Ehli-Bejta. Ali je lađa istovremeno ostala blizu kopna (dakle šerijata) i bušenjem (od strane Hidra) ona je usredištena između zahira (što je kopno) i batina (što su nepregledne morske dubine). Ovo usredištenje je potcrtano (kao učenje) upravo u dobu Imama Muhammeda Bakira a.s. čiji nadimak (Bakir) znači "onaj koji ras-tavlja", a bušenje lađe od strane Hidra je rezultiralo upravo usredištenjem između zahira i batina.

U dobu Imama Bakira a.s. i Imama Sadika a.s. došlo je do stanovitog slabljenja pritiska na Ehli-Bejt, pa je čak osnovan univerzitet koga su posjećivali i kršćani, te sljedbenici drugih vjera. Musa a.s. je (u bušenju lađe od strane Hidra) vidio jedino izvanjski aspekt događaja te kaže Hidru kako je učinio nešto "vrlo krupno".

Ajet 5 sure "Pećina" priopćava: "O tome oni ništa ne znaju a ni preci njihovi. Kako krupna riječ izlazi iz usta njihovih. Oni ne govore drugo do neistinu".

Riječ je o pripisivanje Bogu djeteta što je "krupna riječ" za razliku od krupnog djela kojega Musa a.s. vidi u Hidrovom Postupku. Isa je simbol Puta a Musa zakona za fizičko i formiranje cjeline je batinski "ono krupno".

Svijet koji se spoznaje jeste svijet Muhammedanskog rastavljanja dobra od zla.

LAĐA IMAMA SADIKA a.s.

Sura 18, "Pećina", ajet 79, 110 ajeta.

Ajet 79: "Što se one lađe tiče - ona je vlasništvo siromaha koji rade na moru, i ja sam je ošteto jer je pred njima bio jedan vladar koji je svaku lađu ispravnu otimao".

Razlika 2 ajeta u suri "Pećina" (79 i 71 a što su lađe Imama Sadika i Imama Bakira) je broj 8 (79-71=8), a sa Nuhom je zajedno bilo 8 ljudi. Siromasi koji rade na moru jesu Sveti Imami jer je Poslanik a.s. rekao: "Siromaštvo je moja slava", a slava je po tome jer je riječ o duhovnom siromaštvu i ništa drugo osim Allaha ih ne zaokuplja. Imam Husein je rekao: "Ljubav prema ovom svijetu je glava svakog grijeha", a glava je tijelu ono što je vladar zajednici te prema tome ljubav prema ovom svijetu nastoji oteti Nuhovu (odnosno lađu Ehli-Bejta).

Na lađi Imama Sadika nalazi se 79 putnika. Vidjeli smo kako razlika 2 ajeta (Sadikove i Bakirove lađe) daje broj Nuhovih sljedbenika, broj 8 (79-71=8), a ovo zato jer se u doba ova dva Imama nauka mogla slobodno širiti i Imamijska škola je doživjela svoju ekspanziju pa su se (u ezoterijskom smislu) Nuhovi prijatelji mogli otkriti. Riječ "lađa" je u ajetu 79 spomenuta dva puta jer pored duhovne uloge kao Imama Džafer Sadik je utemeljio Džaferijski mezheb, dakle dvije uloge su spomenute u ajetu. Petnaesto spominjanje lađe u ajetu 79 ni po čemu ne remeti sklad 14 lađi Neporočnih jer se riječ "lađa", kao što znamo, spominje u 14 ajeta a svaki ajet sukladira po jednom Bezgriješniku (Muhammed a.s., Fatima a.s. i 12 Svetih Imama a.s.).

Svijet koji se spoznaje je svijet Muhammedanskog znanja.

LAĐA IMAMA KJAZIMA a.s.

Sura 23, "Vjernici", ajet 27, 118 ajeta.

Ajet 27: "I Mi mu objavismo: "Gradi lađu pod našom pažnjom i prema Našem nadahnuću, pa kad zapovijed Naše dođe i voda na površinu Zemlje izbije, ukrcaj od svake vrste po par, mužjaka i ženku, i čeljad svoju ali ne i one o kojima je sud već donesen, i ne obraćaj mi se za nevjernike, jer će, doista, biti potopljeni".

Spominje se najprije Božija pažnja, a zatim Njegovo nadahnuće vezano za građu lađe. Pažnja ukazuje na posebnu brigu jer Kur'an kaže: "...i budi ljubazan prema vjernicima koji te slijede", a slijeđenje je preduvjet pažnje jer slijedimo onoga koga volimo.

Nakon što je ukazana posebna pažnja sljedbenicima Ehli-Bejta (jer je Poslanik a.s. njegov Ehli-Bejt kao što znamo usporedio sa Nuhovom lađom) spominje se "Naše nadahnuće". Jedan Kur'anski ajet kaže: "Gospodar tvoj je nadahnuo pčelu, a vidjeli smo da se to odnosi na Fatimu a.s. Broj ajeta sure "Vjernici" je 118, a što predstavlja 100 Lijepih Božijih Imena (100) te život Fatime a.s. (18).  $100+18=118$ .

Imamu Kjazimu se potom naređuje da u lađu ukrca od svake vrste po par, mužjaka i ženku, a vrste kao i sve ostalo je stvoreno u parovima, što važi za životinje, važi i za druge vrste (svjetove). Kur'an kaže: "On u svemu stvara par, u onome što iz zemlje niče, u onima koji po zemlji hode, a i u onom što ne znate." Oni koji po zemlji hode jesu ljudi i životinje a kako su u savršenom čovjeku svi svjetovi, tako je i u onom što spada u oblast fizike i drugih nauka. Svijet počiva na dualitetu inače bi spoznaja bila nemoguća.

Dualnost obuhvata i ono što ne znamo, jer jedino je Bog jedan i nema su-druga (svoju suprotnost) u svom savršenstvu. Čak štaviše, i Poslanstvo na čisto fizičkoj ravni podrazumijeva par. Muhammed a.s. je rekao: "Ali je sa svakim Poslanikom poslan tajno (dakle i sa Nuhom) a sa mnom javno". Jer,

Poslanik je zadužen za ta'nzil (spuštanje i primanje Objave), a Imam za ta'vil (duhovnu hermenautiku Kur'ana).

"Mužijak" i "ženka" mogu biti shvaćeni u smislu animalnog duha u čovjeku gdje opet postoji par je animalni duh (ruh-al-hayvani) sastavljen u paru, odnosno od srdžbe i požude. Čeljad Nuhova je također ukrcana u lađu, ali ne i oni o kojima je sud već donesen", a to su Nuhova žena i njegov sin za kojeg Kur'an kaže "...on nije čeljade tvoje jer radi ono što ne valja", gdje se jasno vidi da je moralni kriterij glavni, odnosno da duhovno srodstvo ima prednost nad krvnim.

Dalje se Nuhu zabranjuje "obraćanje za nevjernike", jer su očito nepopravljivi. Oni će biti potopljeni u moru strasti, neznanja i grijehenja. Sa Imamom Kjazimom putuje 27 duhovnjaka.

Svijet koji se spoznaje jeste svijet Muhammedanske darežljivosti.

LAĐA IMAMA REZE a.s.

Sura 23, "Vjernici", ajet 28, 118 ajeta.

Ajet 28: "Pa kad se smjestiš na lađu, ti i oni koji su uz tebe - reci: "Hvala Allahu, koji nas je spasio naroda koji ne vjeruje".

Imam Reza a.s. je ucijenjen od halife Memuna bio prisiljen obnašati ulogu islamskog poglavara. Bio je to lukav Memunov plan da se prikaže kao prijatelj Kuće Čiste.

Poznato je da je Imam Hasan al-Askeri živio 28 godina što je broj ajeta lađe Imama Reze a.s. Ovo je naznaka da će Imamet biti nastavljen sve do Imama Mehdija a Askerijevom smrću počinje malo skrivanje Imama Mehdija a.s. Ajet 28 ne spominje vjernike već kaže - "Pa kad se smjestiš u lađu, ti i oni koji su uz tebe", a to su preostala četvorica Imama, Dževad a.s., Hadi a.s. Askeri a.s. te Mehdi a.s. Oni su uz njega (Imama Rezu) jer su svi Imami jedna te is-



ta svjetlost. Imam Reza na kraju ajeta kaže: "Hvala Allahu koji nas je spasio naroda koji ne vjeruje jer su preostali Imami živjeli u vrlo strogim uvjetima a Imam Hasan (Al-Askeri a.s.) je i dobio nadimak jer je praktično čitav život bio zatočen u logoru Samara (Askeri znači vojnik). Imam Reza je zahvalnost pripisao direktno Allahu a uzrocima čak ni relativno jer u djelovanju i postojanju i nema niko osim Allaha Uzvišenog.

Muhammed a.s. je kazao: "Vjerovanje se dijeli na 2 polovine; strpljivost i zahvalnost".

Imami su se strpili te izloženi raznim pritiscima doveli Imamet sve do Dvanaestog Imama, a Božija Volja je htjela da oni imaju potomstvo sve do Mehdijskog a.s.

Kako su sve izdržali svojom strpljivošću njihova srca je nadvladala želja za zahvalnošću, isključivo Allahu što ih je spasio naroda koji ne vjeruje, jer većina ljudi nije vjerovala u Gajbet Imama Mehdijskog a.s.

Svijet koji se spoznaje je svijet Muhammedanske uravnoteženosti, a sa Imamom Rezom putuje 28 duhovnjaka.

LAĐA IMAMA DŽEVADA a.s.

Sura 24, "Pjesnici", ajet 119, 227 ajeta.

Ajet 119: "I Mi smo njega i one koji su bili uz njega na lađi krcatoj spasili".

Spominje se "lađa krcata", ali se ne kaže o kakvom teretu je riječ. U pitanju je teška i otežana stvar Vilajeta Svetih Imama, a u toj vjeri leži spas. Muhammed a.s. je rekao Imamu Aliju a.s.: "O, Ali, ti i tvoji sljedbenici ste spašeni na Sudnjem Danu". Dakle, u pitanju je spašena grupa, a što su sljedbenici Dvanaestog Imama a.s.

Svijet koji se spoznaje jeste svijet Muhammedanskog blagoslova.

## LAĐA IMAMA HADIJA a.s.

Sura 29, "Pauk", ajet 15, 69 ajeta.

Ajet 15: "I Mi smo njega i one što su bili u lađi - spasili, i poučnim primjerom svjetovima ih učinili".

Oni koji su bili u lađi su spašeni a Islam i znači spas (mir). Zatim se kaže da su poučnim primjerom svjetovima učinjeni. Zbiljska i potpuna pouka pripada isključivo Ehli-Bejtu, jer oni su Mudraci i Vodiči. Kur'an kaže: "... Ti poučavaj, tvoje je da poučavaš, ti vlast nad njima nemaš...". Riječi "tvoje je da poučavaš" jasno govore da poučavanje pripada Kući Čistoj i nikom drugom.

Upravo je Pravo Kuće poučan primjer jer je Poslanik uporedio svoj Ehli-Bejt sa Nuhovom lađom, ko se popne spašen je, ko izostane potopljen je.

Na lađi Imama Hadija plovi 15 duhovnjaka. Na svim lađama Ehli-Bejta putnici spoznaju Svete Imame u stanju njihove čiste svjetlosti. Nakon što time i sami postaju učitelji (poput svojih Imama) napuštaju spiritualne svjetove plovidbe i vraćaju se na zemlju za dobrobit stvorenja. Oni ne mogu biti otkriveni ali ako žele nekom da se otkriju mogu to učiniti.

Svijet koji se spoznaje jeste svijet Muhammedanske dobrote.

## LAĐA IMAMA ASKERIJA a.s.

Sura 37, "Redovi", ajet 140, 182 ajeta.

Ajet 140: "I on pobježe na jednu lađu prepunu".

"Prepunost" ili "krcatost" se, vidjeli smo, odnosi na tešku i otežanu stvar Svetih Imama, na njihov Vilajet. Imam Askeri je sam sahranio svoga oca Imama Hadija, što samo govori kako su (za Ehli-Bejt) bile teške okolnosti tog vremena. Lađa je bila prepuna gnostičkih tajni, a Imam Askeri a.s. na nju "bježi"

što govori o udaljavanju od poricateljske svijesti koja je u njegovom vremenu bila dominantna.

Da je Imam Askeri bio na prepunoj lađi govori i zbir cifara ukupnog broja ajeta sure "Redovi" (182), a ukupnost je punoća. Naime, zbir cifara ukazuje na Imama Askerija a.s. koji je bio Jedanaesti Imam ( $1+8+2=11$ ).

Svijet koji se spoznaje jeste svijet Muhammedijskog lika.

LAĐA IMAMA MEHDIJA a.s.

Sura 69, "Čas Neizbježni", ajet 11, 52 ajeta.

Ajet 11: "Mi smo vas, kada je voda preplavila sve, u lađi nosili".

Voda je, vidimo, preplavila sve, svijet je potonuo do krajnjih granica nepravde i grijehnosti.

Muhammed a.s. je rekao: "Svijet neće prestati postojati sve dok se iz moje Porodice ne pojavi čovjek koji će zemlju ispuniti mirom i pravdom kao što je sada preplavljena nasiljem i nepravdom" (misli se na Imama Mehdijskog a.s.).

Vidimo kako je voda (u ajetu 11) "preplavila sve", a Poslanik kaže da će se Mehdi obznaniti kada zemlja bude preplavljena nasiljem i nepravdom. To vrijeme se još u potpunosti nije obznanilo jer voda smutnje još uvijek nije preplavila "sve", jer postoje još uvijek, kako evlije tako i uzoriti pojedinci koji promiču tajne Knjige.

Ajet je rednog broja 11, što ukazuje na 11 Imama prije Imama Mehdijskog a.s. Na lađi Imama Mehdijskog je stoga zajedno s njim 11 duhovnjaka. Ajet koji slijedi, ajet 12 kaže: "da vam to poukom učinimo i da to od zaborava sačuva uho koje pamti. "Molio sam Allaha da to uho bude Imam Ali" - rekao je Muhammed a.s. "Pouka" (o lađi i preplavljenosti "vodom" smutnje) se odnosi na Imama Mehdijskog a.s., a ajet 12 o "uhu koje pamti" na Imama Alijskog a.s.

Imam Ali je kao Apsolutni Imam bio sa Nuhom u njegovo vrijeme, jer poznati hadis (koji smo već citirali) kaže: "Ali je sa svakim Poslanikom poslan tajno, a sa mnoom javno". Pošto u materijalnom svijetu ne pamti uho (već mozak) "uho koje pamti" je metafizička egzistencija svakog od 12 Imama (ajet je rednog broja 12), dakle "ljudi Bedema", koji svakog poznaju po obilježju njegovom, a što je spomenuto u suri "Bedem". Na ovaj način oni znaju i one koji su se užetom Ehli-Bejta uspeli na jednu od 14 lađi. Ajetom 12 (o uhu koje pamti), a što je cijela metafizika Imamologije uključeno je svih 12 Imama, a broj ajeta (12) jasno na to ukazuje. Tako se spajaju (na Mehdijevoj a.s. lađi) Pečat Apsolutnog (Imam Ali) te Pečat Muhammedanskog vilajeta (Imam Mehdi).

Uho koje pamti je gnostička zbilja razlikovanja koja ide od jednog do drugog Imama, sve do Posljednjeg. Zato je, to treba ponovo istaći, Imam Ali a.s. rekao: "Neće ući u džennet niko osim onog ko ih (Imame) zna, i neće ući u džehennem niko osim onog ko ih ne zna i koga oni ne znaju".

Batin Apsolutnog Imama opseže sve duhovnjake na 14 lađi spasa i oni ostaju na tim lađama sve dok ne spoznaju Imama u stanju njegove čiste svjetlosti. Svijet koji se spoznaje jeste svijet Muhammedanske sveukupnosti. Spoznajom Imama u stanju njihove čiste svjetlosti duhovnjak dolazi u fazu spoznaje hakikatskog obzira ljubavi "4 osobe koje smo dužni voljeti". Poslanik je upitan ko su te osobe. Odgovorio je: "Ali, Fatima, Hasan i Husejin".

Obradili smo termin "lađa" koji se u Kur'anu spominje u 14 ajeta (što se odnosi na 14 Masuma; Muhammed, Fatima i 12 Svetih Imama).

Riječ "lađe" (u množini jer je Muhammed a.s. u iskazu sastavio Alija, Fatimu, Hasana i Husejina) se, pak, spominje 16 puta. Pošto su 4 osobe koje smo dužni voljeti ljubav se (nakon spoznaje 12 Imama u stanju njihove čiste svjetlosti) spoznajno manifestuje kroz šerijat, tarikat, marifet te hakkikat Imama Alija, Fatime, Hasana i Husejina, koji su 4 džennetska sunca ljubavi.

Tako dolazimo do ljubavi kao krajnje konsekvence plovidbom Nuhovom, odnosno lađama Ehli-Bejta.

Eto zašto je Imam Ali a.s. rekao: "Nema nijednog bića a da u konačnici neće pronaći ljubav prema nama" (Ehli-Bejt-u).

Također, 7 je stupnjeva spoznaje duše a  $4 \times 7 = 28$ , smrt Imama Askerija, odnosno početak Okultacije Imama Mehdija. Dok je mala okultacija spoznajno bila fokusirana na spoznaju Imama u stanju njegove čiste svjetlosti Velika okultacija se fokusira na ljubav kao osnov stvaranja svijeta, odnosno znanje jer nema gnostičkog znanja bez ljubavi.

## SVIJET MUHAMMEDANSKE LJUBAVI

Obradili smo 14 ajeta u kojima se 15 puta spominje riječ "lađa". Broj ajeta kao što znamo, sukladira broju osoba koji posjeduju svojstvo Ismeta (14 Bezgriješnih; Muhammed a.s., Fatima a.s. i 12 Svetih Imama a.s.).

Sada ćemo razmotriti spominjanje (u Kur'anu) riječi "lađe" (dakle, u množini). Tu je potrebno iznova navesti hadis o kome smo već govorili. Kada je objavljen ajet o ljubavi prema rodbini, neko je upitao Poslanika ko je rodbina koju smo dužni voljeti!?

Odgovorio je: "Ali, Fatima, Hasan i Husejin".

Naravno, obavezna je ljubav prema cijelom Ehli-Bejtu (12 Svetih Imama), ali ih Poslanik ovdje nije spomenuo što iz predostrožnosti (tekijjah), što zbog činjenice da sinovi koje slijede jesu također predmet ljubavi, a što proističe upravo iz činjenice da je 4 Svete osobe dužnost voljeti, a nema dužnosti iza koje ne slijedi obaveza, te smo dužni voljeti cijeli Poslanikov Ehli-Bejt.

Ljubav prema Ehli-Bejtu je nagrada Poslaniku jer se Muhammedansko svjetlo spušta u stvoreni svijet preko 12 Svjetlosnih zastora (Svetih Imama) te je tako i Muhammed a.s. prvak te ljubavi.

U tom smislu preegzistentnog jedinstva Imam Sadik a.s. je kazao: "Svi smo mi jedna te ista svjetlost".

Ukoliko se broj od 4 osobe pomnoži sa samim sobom, dobit će se tačno broj lađi (u množini) spomenutih u Kur'anu ( $4 \times 4 = 16$ ).

Ovo znači da su lađe 4 svete osobe koje su u jedinstvu sa samima sobom (u smislu Bezgriješnosti) jer potpuna spoznaja obuhvata šerijat, tarikat, marifet i hakkikat, a  $4 \times 4 = 16$ . Dakle, "lađe" jesu 4 Svete osobe obznanjene na razini šerijata, tarikata, marifeta i hakkikata. Ova spoznaja je ljubav koja se vraća rodbini jer je Ali a.s. rekao kako nema nijednog bića a da u konačnici neće osjetiti ljubav prema njima (Ehli-Bejt), dok druga predaja priopćava kako su svi ljudi Allahova porodica te blagoslovom Ehli-Bejta svako biće će na kraju osjetiti ljubav prema njima. Spomenuli smo da se 4 svete osobe obznanjuju na razini šerijata, tarikata, marifeta i hakkikata.

ALI a.s. - šerijat, tarikat, marifet, hakkikat.

FATIMA a.s. - šerijat, tarikat, marifet, hakkikat

HASAN a.s. - šerijat, tarikat, marifet, hakkikat

HUSEJN a.s. - šerijat, tarikat, marifet, hakkikat.

$4 \times 4 = 16$ , a toliko puta se, znamo, riječ "lađe" spominje u Kur'anu.

Kasnije ćemo vidjeti jedinstvo kristologije i imamologije na osnovu broja 4. Anne-Mari Shimmel i drugi autori opisuju broj 4 kao broj materijalnog poretka. Četiri su životinje iz Ezekilove vizije i Ivanovog otrovenja (na ovo ćemo se vratiti).

Četiri su strane svijeta što određuje Imama kao Pol postojanja. Također, 4 su objavljene božije Knjige - Tora (Tevrat), Davudovi Psalmi, Jevanđelje (Inđžil) i Kur'an. Treba spomenuti i Ademu te Ibrahimu objavljene listove, no to ne spada u knjige.

Također, musliman po šerijatu može imati 4 žene, 4 svjedoka su potrebna da bi se potvrdio blud.

U Hindu sistemu su 4 kaste, brahmani, ratnici, radnici i šudre.

Četiri su jahača apokalipse, četiri su tačke na tijelu Kristovog raspeća, jer su 4 čavla zabodena u tijelo (naravno, Isus nije raspet već Juda), no to je druga tema, a ovdje nas zanima simbolika broja 4.

## JEDINSTVO KRISTOLOGIJE I IMAMOLOGIJE U IVANOVOM OTKRIVENJU

Pogledajmo sada jedno poglavlje u Ivanovom Otkrivenju.

### PRIJESTOLJE NA NEBU

"Potom vidjeh, i gle, vrata otvorena na nebu; i prijašnji glas što ga začuh da poput trublje govori sa mnom reče: "Uziđi ovamo i pokazat ću ti šta se ima dogoditi poslije ovoga".

Odmah se zanesoh u duhu, i gle: na nebu bijaše postavljeno prijestolje, a na prijestolju neko sjedi. A taj koji sjedi izgledom je kamenu jaspisu i sardu, a uokolo prijestolja duga, izgledom nalik smaragdu. I uokolo prijestolja dvadeset četiri, i na prijestoljima sjede dvadeset četiri starješine, odjeveni u bijele haljine, a na glavama im zlatni vijenci. A od prijestolja izlaze munje i glasovi i gromovi; pred prijestoljem gori 7 plamtećih zubalja - koji su sedam duhova Božijih; i pred prijestoljem kao neko stakleno biće nalik kristalu, usred prijestolja četiri bića puna očiju sprijeda i straga. Prvo biće nalik lavu, drugo biće nalik juncu, treće biće ima lice kao čovječije, četvrto biće nalik orlu u lađi. I ta četiri bića, svako od njih po 6 krila, uokolo i iznutra puna su očiju te bez počinka dan i noć govore: "Svet, svet, svet, Gospod, Bog Svevladar, Onaj koji je "Ja bijah i jesam i dolazim!" I kad god bi bića dala slavu i čas i zahvalu Onome koji sjedi na Prijestolju, Onome koji živi u vijeke vjekova, dvadeset i četiri starješine bi padale pred Onim koji sjedi na prijestolju i poklonile se Onome koji živi u vijeke vjekova, te bi stavljali svoje vratove pred prijestolje, govoreći: "Dostojan si, Gospode i Bože naš, da primiš slavu i čast i moć. Jer ti si stvorio sve - i po tvojoj volji bijaše i bješe stvoreno. (Otkrivenje 4-5)

Ivan, vidimo, najprije vidi otvorena vrata na nebu a glas mu govori da uziđe

gore kako bi vidio šta se (još) ima desiti. Vezano za Kur'anski ajet "Tako Mi neba sazvezjedićima okićenog", -Muhammed a.s. je rekao: "Nebo je moja osobnost, a sazvezjedića su Sveti Imami, njih 12". Poslanik je, također, rekao: "Ja sam grad znanja, a Ali je kapija (vrata) tog znanja".

Spajanjem ova dva hadisa biva jasna Ivanova vizija "vrata otvorenih na nebu", što znači da je Imam Ali kao Apsolutni Imam spreman priopćiti Poslaničke Istine, jer je Poslanik kazao: "Kome sam ja vođa, Ali mu je vođa", a vidimo kako su nebeska vrata znanja otvorena. Pošto je nebo Muhammedanska stvarnost, a kapija nebeska Imam Ali radi se o spajanju Zakonodavnog Poslanstva i Imameta koji je iznutarnji smisao Objave. Ivan potom vidi Božije Prijestolje (Arš), a na njemu Neko sjedi. Riječ "Bog" je izostavljena kako bi se izbjegla antropomorfistička vizija. Taj koji sjedi izgledom je nalik jaspisu i sardu, a uokolo prijestolja duga poput smaragda.

Jaspis je poludragi kamen ratnika, a u drevnom vremenu smatrao se donosiocem kiše. Oboje se može vezati za Imama Alija, jer je Poslanik rekao: "Nema junaka nad Alijem, nema sablje nad Zulfikarom".

Kiša je obilje znanja, što također karakterizira Imama Alija a.s.

Sard, drugi poludragi kamen u Ivanovoj viziji. Vrsta je kvarca koji je obojen željezo-oksidom. Može imati crnu boju što također karakteriše Alija a.s. kao Savršenog Imama.

Ovo ukazuje kako je jedina prava spoznaja Boga, spoznaja Imama kao Lica Božijeg okrenutog ljudima, a što je u Otkrivenju simbolično predstavljeno preko 2 poludraga kamena koja su "oči" Imama Alija. Jer je u predaji rečeno: "Ko spozna Imama spoznao je Allaha". Svaki drugi put vodi u ponore i pogubne zamke antropomorfizma, agnosticizma i literalizma.

Bog se dakle spoznaje preko božijeg čovjeka a to su 12 Imama, odnosno Ali kao Apsolutni Imam koji je sa svakim Poslanikom poslan tajno a sa Muhammedom a.s. javno.



Okolo prijestolja duga, nalik smaragdu. Imam Bakir a.s. je rekao: "Oko ove vaše zemlje postoji smaragdna planina koja opasava svijet".

Ivan je motri kao "dugu", jer vrijeme njene (povijesne) materijalizacije u ovom svijetu još nije došlo.

Zatim se u tekstu otkrivenja spominju 24 stariješine koje sjede na 24 prijestolja, odjeveni u bijele haljine, a na glavama im zlatni vijenci. Ovo su 12 Kristovih Apostola i 12 Muhammedovih Imama (12+12=24). Oni tvore krug oko božanskog prijestolja, dakle, predstavljaju batin božanskih Objava, odnosno kružnicu duhovnog putnika koji se nakon što je proputovao 7 stepeni duše vraća tamo odakle je počeo.

Glas poput trube označava Ivanovo podizanje (kao vizionara) na položaj koji mu pripada, a njegov zanos je ekvivalent Islamskog oblika otkrovenja (jazzbah), odnosno Božijeg privlačenja.

Munje, glasovi i gromovi jesu manifestacija Božije Moći, dok na duhovnom nebu predstavljaju trostruko svjedočanstvo vjere: Vjeru u Boga, Poslanstvo i Imamat. Starješine (12 Kristovih Apostola i 12 Muhammedovih Imama) njih dakle ukupno 24 su odjeveni u bijelo što simbolizira čistotu vjere i bezgriješnost. Zlatni vijenci na glavama ukazuju da su u pitanju kraljevi duhovnog svijeta, oni koji su spiritualno okrunjeni znanjem. Sedam plamtećih zubalja jesu 7 velikih Poslanika: Adem, Nuh, Ibrahim, Davud, Musa, Isa i Muhammed.

Potom se kaže kako su okolo prijestolja 4 bića puna očiju, sprijeda, i straga, što je višedimenzionalna mogućnost Imamovog "gledanja" i djelovanja u stvarnosti, pošto je on Pol svijeta. Pol svijeta je ovdje četverostruko "razdijeljen", što ponovo ukazuje na 4 osobe koje smo dužni voljeti.

Prvo biće nalik lavu, drugo biće nalik juncu, treće biće ima lice kao čovječije, četvrto biće nalik orlu u letu. I ta 4 bića, svako od njih s po 6 krila, uokolo i iznutra puna su očiju te bez počinka i dan i noć govore:


"Svet, svet, svet, Gospod, Bog, Svevladar, Onaj koji je 'Ja bijah, jesam i dolazim'".

Već smo ukazivali da mnoštvo očiju znači potpunost spoznaje. Poslanik a.s. je rekao kako je radost njegova oka u namazu, a kako je namaz duhovno uspenje vjernikovo, te kako je Imam Ali prvi povjerovao u misiju Poslanikovu. Mnoštvo očiju simbolizira totalnu percepciju, jer Imam kao Pol svijeta u svakom trenutku zna (vidi) ono što želi znati.

Sva 4 bića lete sa po 6 krila, a  $6 \times 4 = 24$ , odnosno 12 Kristovih Apostola i 12 Svetih Imama. Na prijestolju se Bog ukazuje u liku Imama Alija a.s. (što smo već spominjali), a sada se Ali zasebno ukazuje u liku lava što predstavlja njegovu neustrašivost pošto on nikada nije okrenuo leđa neprijatelju. Drugo biće je nalik juncu što predstavlja vitešku žrtvu na šta ćemo se vratiti kasnije. Treće biće ima lice kao čovječije a riječ "kao" ukazuje da nije dovoljno viđen i to se odnosi na Imama Mehdijs a.s. sa kojim će čovječanstvo zadobiti savršenu ljudskost. Crni orao je Imam Husejin. Orao je vladarska ptica (posebno crni), a Imam Husejin a.s. nije htio prihvatiti tlačiteljsku (Jezidovu vlast) i poginuo je kao mučenik na Kerbeli. Orao je u letu što ukazuje da Imam Husejinu a.s. nije priznat vladarski položaj i on je mučki ubijen.

Dakle, ovaj dio Ivanove Vizije uključuje trojicu Svetih Imama; Imama Alija, Imama Husejina te Imama Mehdijs a.s.

Imam Ali je pečat Apsolutnog Vilajeta, Imam Mehdi je pečat Muhammedanskog Vilajeta dok je Imam Husejin "otac" svih Imama, jer su svi istekli iz Husejinove svjetlosne kičme.




Dobijamo, dakle, trougao, a srca božijih Poslanika i Imama su trouglastog oblika.

Naime, primisli (havatiri) mogu biti četverostruki.

- BOŽANSKI
- MELEKSKI
- NEFSANSKI
- ŠEJTANSKI

Božanski i melekski havatiri nadahnjuju na dobro dok šejtanski pozivaju na zlo. No, srca Božijih Poslanika i Imama su trouglastog oblika jer ne posjeduju šejtanske havatire, što je (na ovoj razini razmatranja) identično trojici Imama, Aliju, Husejnu i Mehdiu.



Na ovaj način Ivanovo otkrovenje predstavlja Poslanička, odnosno srca Imama a.s.

Ostaje da se objasni "junac", odnosno četvrta životinja koja podrazumijeva žrtvovanje vlastitog nefa. To žrtvovanje je objašnjeno u suri "Krava".

Ajet 67 kaže: "A kada je Musa rekao narodu svome: 'Allah vam naređuje da zakoljete kravu' - oni upitaše: 'Zbijaš li ti to s nama šalu?' - 'Ne dao mi Allah da budem nezalica' - reče on."

"Krava" je nefis (požudna duša) i ona se kolje u Velikom Svetom ratu protiv se-

be. Vraćajući se iz jedne bitke Poslanik a.s. je rekao: "Vratili smo se iz malog u Veliki Sveti Rat".

Na pitanje šta je Veliki Sveti Rat, Poslanik je rekao: "Rat protiv sebe", dakle klanje "krave", odnosno nefsa. Ovdje je opisan lakši put u ostvarenju cilja Velikog Svetog Rata, jer "klanje" podrazumijeva kratko vrijeme za doseganje cilja.

Musaov narod se pita nije li u pitanju zbijanje šale što ukazuje na neozbiljnost poimanja borbe protiv sebe. Musa a.s. odgovara: "Ne dao mi Allah da budem neznalica".

Imam Ali a.s. je rekao: "Neznanje je pouzdati se u ovaj svijet i pored onog što vidiš od njega". No, oni vide samo spoljašnju stranu ovoga svijeta te budući da je neznanje velika pokrivka otklanjanje toga pripisuje direktno Allahu, a ne uzrocima jer u zbilji Allah Uzvišeni i jeste jedini znalac.

Ajet 68 (sure "Krava"): "Zamoli Gospodara svoga, u naše ime" - rekoše "da nam objasni kojih godina ona treba da bude" - "On kaže" - odgovori on - da ta krava ne smije da bude ni stara ni mlada, nego između toga, srednje dobi, pa izvršite to što se od vas traži".

Ajet 69: "'Zamoli Gospodara svoga, u naše ime' - rekoše - 'da nam objasni kakve boje treba da bude' - 'On poručuje' - odgovori on - 'da ta krava treba da bude jarko rumene boje, da se svidi onima koji je vide'".

Ovdje ćemo se zaustaviti zbog pojašnjenja ova 2 ajeta. Ajet 68 kaže da krava ne smije biti ni stara ni mlada, nego između toga, srednje dobi. Ovo ukazuje da je "klanje nefsa" viteška odlika, jer je duhovno viteštvo srednja dob, između 18 i 40 godina.

Musa ih nakon ovog upućuje da izvrše to što se od njih traži, jer je viteška žrtva vrhunac žrtvovanja, pa nisu potrebna dalja objašnjenja, no njegov narod i dalje insistira na opisu krave pitajući kakve boje treba da bude. Musa a.s. im, kao što smo vidjeli, odgovora da treba da bude jarko rumene boje. Postavlja se

pitanje zašto je odabrana upravo ova boja (jer krava ima i crnih, bijelih, itd). Tu je potrebno pogledati jedan drugi ajet koji pojašnjava ovaj, jer Kur'an se tumači Kur'anom, i to je metod škole Ehli-Bejta a.s. Zapravo, nekoliko ajeta iz sure "Cijepanje" pojašnjava rumenilo krave.

Ajet 16 sure "Cijepanje": "I kunem se rumenilom večernjim",

Ajet 17: "i noći, i onim što ona tamom obavije",

Ajet 18: "i Mjesecom punim",

Ajet 19: "vi ćete sigurno na sve teže i teže prilike nailazi".

Vidimo da se u ajetu 16 spominje rumenilo večernje, a Božija zakletva ukazuje na značaj rumenila "krave" (nefsa), kojeg treba zaklati. Rumenilo je večernje, dakle onaj dio vremena kada se mijenjaju noć i dan, što predstavlja jedinstvo vanjskog (zahir) i unutarnjeg (batin).

U ajetu 17 se dalje spominje noć, a što je noć ezoterije i onim (Imamom Mehdiem), što ga ona tamom zakrivanja obavije. Ajet je rednog broja 17, a Imam el-Mehdi će vladati 17 godina.

Ajet 18: "i Mjesecom punim", što predstavlja ponoć vilajeta pred sami izlazak Imama Mehdijs a.s.

Ajet 19, kako smo vidjeli, kaže: "vi ćete na sve teže i teže prilike nailaziti". Kako se približava Sudnji Dan, prilike postaju sve teže jer je Poslanik a.s. kazao: "Iza svakog vremena slijedi ti od njega još gore". Također, predaje priopćavaju kako će muslimani patiti (na ovaj ili onaj način) sve do Obznane Imama Mehdijs a.s.

Vraćamo se suri "Krava". Samim tim žrtvovanje vlastite duše biva "sve teže i teže".

Ajet 70: "'Zamolite Gospodara svoga, u naše ime' - rekoše - 'da nam objasni kakva još treba da bude jer nama krave izgledaju slične, a mi ćemo nju, ako Allah htjedne, sigurno pronaći'".

Ajet 71: "'On poručuje' - reče on - 'da krava ne smije da bude istrošena oranjem zemlje i natapanjem usijeva; treba da bude bez mane i ikakva biljega'. - 'E, sad si je opisao kako treba' - rekoše pa je zaklaše, i jedva to učiniše".

Vidjeli smo da je rumenilo krave povezano sa "rumenilom večernjim", posljednjeg vremena kada će Veliki Sveti Rat protiv sebe bivati sve teži i teži, te će u tom smislu čovječanstvo "na sve teže i teže prilike nailaziti".


U ajetu 70 Musaov narod (što znači općenita svijest) konstatira da njima sve krave izgledaju slične, jer sude po vanjštini, te ne mogu srčanim vidom (basira) promatrati žrtvu duhovnog viteštva. On im odgovara da krava ne smije biti istrošena oranjem zemlje, jer duhovni vitez služi drugima i ne radi za sebe te u tom smislu nije "zemaljski", a krava ne smije biti istrošena niti natapanjem zemlje, što znači da vitez ne rasipa znanje ("vodu"), već ga usmjerava isključivo onima koji ga zaslužuju, a u skladu sa poznatom Isusovom izrekom: "Ne bacajte bisere pred svinje". Krava treba da bude bez mane, jer je duhovni vitez došao na mekam duše smirene, te u njemu više nema mana.

Također, krava treba da bude bez ikakva biljega, jer su duhovni velikani utopljeni među obični svijet i ničim se ne ističu te prema tome nisu "obilježeni". Na kraju "kravu zaklaše, i jedva to učiniše". Pobjeda nad vlastitim nefsom u Velikom Svetom ratu je izuzetno teška i zato su kravu "jedva" zaklali. Požudna duša, nisko ja i šejtan daju otpor i postavljaju zamke duhovnom putniku tako da on često "jedva" doseže kraj duhovnog putovanja.

Ovim završavamo komentar dijela Ivanovog Jevanđelja koji predstavlja jedinstvo Kristologije i Imamologije.

## HAKKIKAT IMAMA ALIJA, FATIME, HASANA I HUSEJNA

Ove četiri osobe koje smo dužni voljeti "tvore" (odnosno drže) svjetlosnu Ka'bu, koja se nalazi tačno 28 metara izna fizičke Kabe, jer je Imam Askeri a.s. umro u 28-oj godini života čime otpočinje skrivenost Imama Mehdijs a.s., odnosno upućivanje sljedbenika njegovom svjetlošću.



Dužina (zemaljske Kabe) je 11 metara, a visina 17. U zbiru to daje tačno broj 28, dakle smrt Imama Askerija a.s., i početak okultacije Imama Mehdiya a.s., odnosno razliku (u visini) između zemaljske i svjetlosne Kjabe. Dužina Kabe je 11 metara, što predstavlja 11 Svetih Imama prije Mehdiya a.s., a on, Dvanaesti Imam, će kada se obznani stati oslonjen leđima na zid Ka'be i objasniti ljudima smisao svih Božijih Objavljenosti. Zbog toga je visina Kabe 17 metara, jer će Mehdi a.s. vladati 17 godina.

U Kabu je ugrađeno 1614 komada kamena. Kada se taj broj razdjeli po sredini dobijemo 16 i 14, a 16 puta se riječ "lađe" spominje u Kur'anu (što je obje Ka'be -  $4 \times 4 = 16$ ), a 14 je, kako znamo, Bezgriješnika. Kaba, kao što znamo, ima 4 strane.

HAKKIKAT IMAMA ALIJA a.s.

Svih 14 članova Kuće Čiste je Bezgriješno.

Pošto je 7 mekama duše, a osoba koje smo dužni voljeti 4, množenjem 2 broja dobije se život Imama Askerija, odnosno početak Okultacije Imama Mehdijsa a.s. ( $4 \times 7 = 28$ ).

Riječ lađa spominje se u 14 ajeta, a riječ lađe u 16 ajeta. Spajanjem 2 broja dobije se broj kamenova ugrađenih u Kabu 1614. Dakle, u Kabu je ugrađen ukupan broj "lađi", odnosno Ehli-Bejt jer je Muhammed a.s., kao što znamo, kazao: "Moj Ehli-Bejt je poput Nuhove lađe, ko se popne spašen je, ko izostane potopljen je".

Visina zemaljske Kabe je 17 metara, što ukazuje na vlast Imama Mehdijsa a.s. gdje jedna godina vlasti sukladira jednom metru u vertikalnom usponu Kabom. Ko to (spoznajno) savlada on se dalje uspinje ka svjetlosnoj Kabi koja je identična Nuhovoj lađi, odnosno lađi Ehli-Bejta. Oko svjetlosne Kabe, u moru ljubavi plovi 14, a zatim 16 lađi. Znamo da se riječ lađa spominje u 14 ajeta, a riječ lađe u 16 ajeta. Vidjeli smo također da se spajanjem 2 broja ( $16 + 14$ ) dobije ukupan broj kamenova ugrađenih u Kabu ( $16 + 14$ ) te je plovidba Nuhovom lađom (odnosno lađom Ehli-Bejta) osvajanje različitih svjetlosnih razina u spoznajnom smislu. Okultacija Imama Mehdijsa razdvaja "prostor" između dvije Kabe, one zemaljske i one svjetlosne (a to je broj 28, odnosno smrt Imama Askerijsa a.s.). Ezoterične lađe Ehli-Bejta plove sa svojim putnicima oko ezoterične (svjetlosne) Kabe koja im je centar usmjerenja pošto je tvore četiri osobe koje smo dužni voljeti (Ali, Fatima, Hasan i Husejin). Zato je i početak i kraj spoznaje ljubav prema njima.

## ŠERIJATSKA SVJETLOST IMAMA ALIJA a.s.

Sura 10, "Junus", ajet 22.

Ajet 22: "On vam omogućava da kopnom i morem putujete. Pa kad ste u lađama i kad one uz blag povjetearac zaplove s putnicima, te se oni obraduju tome, naiđe silan vjetar i valovi navale sa svih strana, i oni se uvjere da će nasrdati iskreno se mole Allahu: 'Ako nas iz ovoga izbaviš, sigurno ćemo biti zahvalni'".



Ovo predstavlja prvo spominjanje riječi "lađe" (od ukupno 16 puta, koliko se spominju u Kur'anu).

Bog je prvi uzrok svega i Jedini u djelovanju, tako da je upotrebljeno vrhovno Božije Ime ("On"). U ovom kontekstu, "kopno" je šerijatska zbilja Imama Alija a.s., iz koje učenici crpe svoja znanja. Zatim je spomenuto more, što predstavlja zbilje duhovnih istina. Božiji Poslanik a.s. je rekao: "Tvoja duša ti je jahalica, pa budi joj blag", te je ovakav odnos spram duše u duhu duhovnog putovanja koje predstoji. Ovo predstavlja iradu (početničko oduševljenje stupanjem na duhovni put, a putnici su duhovni putnici (salik)).

Silan vjetar i valovi sa svih strana jesu iskušenja koje predstavlja ego, strasti, i šejtan koji čovjeku prilazi (poput valova) "sa svih strana, odnosno kako to Kur'an kaže - s desna, s lijeva, sprijeda, straga, dakle sa svih strana. Muhammed a.s. je rekao: "Vjerovanje se dijeli na 2 polovine", strpljivost i zahvalnost". Strpljivost je spomenuta prva i vezana je za izbavljenje jer je rečeno: "Na krajnjoj granici poteškoće nalazi se olakšanje".

Zahvalnost je spomenuta druga, jer nema izbavljenja bez strpljivosti pošto iskušenje nužno ima svoj vremenski rok.

Imam Ali je na kopnu poput svjetionika i pomaže duhovnim putnicima.

TARIKATSKA SVJETLOST IMAMA ALIJA a.s.

Sura 14, "Ibrahim", ajet 32.

"Allah je stvoritelj nebesa i zemlje, On spušta s neba kišu i čini da pomoću nje rađaju plodovi kojima se hranite, i daje vam da se rijekama koristite".

Najprije se naglašava kako je Allah stvoritelj nebesa i Zemlje, kako se ono što slijedi u tekstu ne bi pripisalo uzrocima. On spušta s neba kišu znanja, a shodno poznatom hadisu nebo je Muhammedova osobnost, a sazviježđa su Sveti Imami, njih 12 (ovo je Poslanikov komentar sure "Sazviježđa"). Dakle,

sa Muhammedanskog neba milosti i mudrosti se spušta kiša znanja, te se rađaju plovodi gnoze, kojima se Duh (ruh) hrani. Korištenje lađama ponovo u prvi plan stavlja Imama Alija, jer je Poslanik rekao Aliju: "Ti si prvak ove zajednice, a lađe predvodi ona prva".

Lađe plove voljom božijom, jer "kada Bog zavoli svog slugu, On biva njegova ruka, noga, vid, sluh" (Kudsi Hadis).

"I dajte vam da se rijekama koristite" - kaže kraj ajeta. Ovo su tarikatski putevi, a sve rijeke završavaju u moru hakkikata.

Onaj ko želi znanje pristupa jednom od 12 tarikatskih redova, čiji je pročelnik Imam Ali a.s.

## MARIFETSKA SVJETLOST IMAMA ALIJA a.s.

Sura 16, "Pčele", ajet 14.

Ajet 14: "On čini da se morem koristite, da iz njega svježije meso jedete; da vadite nakit kojim se kitite - ti vidiš lađe kako ga sijeku da biste nešto iz obilja njegova stekli i da biste zahvalni bili".

U Zbilji i nema drugog znalca do Allaha, a more je znanje. Korist znanja se dalje definira kao "svježije meso koje jedete". Meso je marifetska hrana duhovnog putnika, a njegova svježina uvijek nova Kur'anska tumačenja, u aktualnom vremenu jer Kur'an je živ i svjež do Sudnjeg Dana. Ova činjenica je nedovoljno shvaćena, te muslimane prate vijekovi zaostajanja. Vjernici se trebaju vratiti izvornom tumačenju Kur'ana, a što je metod škole Ehli-Bejta, a to je da se jedan ajet tumači drugim ajetom. Time postaju izlišni svi ljudski komentari Knjige (u suštinskom smislu) jer tefsir i ta'vil su također potrebni sve dok svijet bude postojao.

Zatim se u ajetu 14 spominje nakit kojim se kitite, a to je Vilajet Svetih Imama jer su Imami rekli: "Kada bi ljudi prepoznali ljepotu našeg govora, slijedili bi

ga", a jednom prepoznat Vilajet (koji je u dubinama mora znanja i mora se "raditi"), ukrašava duhovnog putnika, toliko da se to na njemu očituje i fizički. "Ti vidiš lađe kako ga sijeku" - kaže dalje ajet jer je lađa Ehli-Bejta vidljiva što će reći dostupna onima koji su dostojni i preegzistentno upućeni da se na nju propnu.

Lađe Ehli-Bejta more "sijeku", dakle imaju samo svoj pravac koji ničim poremećen omogućava da se ponešto stekne iz obilja Božijeg znanja "Kako biste zahvalni bili" - kaže kraj ajeta, a na drugom mjestu piše - "ako budete zahvalni Ja ću vam zacijelo uvećati", jer znanje Ehli-Bejta nema (zemaljskog) kraja.

## HAKKIKATSKA SVJETLOST IMAMA ALIJA a.s.

Sura 17, "Noćno putovanje", ajet 66.

Ajet 66: "Gospodar vaš, vas radi pokreće lađe po moru da biste tražili Njegove blagodati, jer je On prema vama milostiv".

Bog Uzvišeni radi nas pokreće lađe Ehli-Bejta, kako bismo stjecali znanje jer znanje je i svrha stvaranja. Poznati Kuds Hadis priopćava: "Bijah skriveno blago, voljeh da budem spoznat, pa stvorih svijet".

Kur'an kaže: "A onaj kome je dato znanje darovan je blagom neizmjernim". Pojašnjavajući ovaj ajet, Imam Sadik a.s. je kazao: "Vjera u Allaha i poznavanje Imama. Prema tome, znanje je Njegova blagodat iz ajeta 66, a "pokretanje lađi" rezultira vjerom u Allaha i poznavanjem Imama. "Jer, on je prema vama milostiv" - kaže kraj ajeta. Na drugom mjestu Kur'an kaže: "...a Moja milost obuhvata sve".

U ovom kontekstu to se odnosi na (sve) Imame jer je preko njih sve počelo i sve će završiti. Oni su prvostvoreni, najčistiji i najplemenitiji i istekli su iz Muhammedanskog svjetla, a Bog kaže: "... da nije tebe, ne bismo stvarali svjetove. Imami su znalci kako vanjskog (zahir), tako i unutarnjeg (batin), a ajet 66 to dokazuje jer su to 2 polovine broja 12, a Imama je, znamo, 12 (6+6=12).

HAKKIKAT FATIME a.s.

ŠERIJATSKA SVJETLOST FATIME a.s.

Sura 22, "Hadž", ajet 65.

Ajet 65: "Zar ne vidiš da je Allah sve na zemlji vama podredio, pa i lađe, koje voljom Njegovom, morem plove. On drži ono što je na nebu da ne bi palo na zemlju, osim ako On to dopusti. Allah je, uistinu, prema ljudima blag i milostiv".

Sve što na Zemlji postoji je nama podredio preko Imama vremena koji je Božanska "energija", i stub zemlje a Fatima a.s. je majka Svetih Imama, te su Imami nama "podređeni" (jer nastavak ajeta kaže "pa i lađe"), u smislu da su iz svjetlosnog svijeta spuštteni ovdje radi ljudskog roda, kao održavatelji, Znalci i Mudraci koji su Ta'vil Objave.

Početak ajeta sugerira ljudsko neznanje po pitanju Imameta i Vilajeta, pa kaže: "Zar ne vidiš...?", jer je očiglednost djelovanja 11 Imama bila neupitna dok je Dvanaesti u gajbetu. To potvrđuje i zbir cifara ajeta 65 ( $6+5=11$ ), jer je 11 Imama već otišlo sa zemlje, dok je 12-ti Stub zemlje, njeno svjetlo i zaštita. Ajet 65 zatim nastavlja - "On drži ono što je na nebu da ne bi palo na Zemlju, osim ako On dopusti - Allah je, uistinu, prema ljudima blag i milostiv".

Ono što je na nebu jeste preegzistentna priroda 12 Imama istekla iz Muhammedanskog svijetla i ona ne može "pasti" (pomiješati se) na privremenu fizičku osobnost Dvanaestorice, jer je njihova nebeska priroda primarna, a zemaljska sekundarna. Zbog toga Bog tu, već razdijeljenu, Muhammedansku svjetlost na 12 osoba "drži", što će reći da je Muhammedova stvarnost neodvojiva od Božije volje, u smislu da, preko 14 Bezgriješnih, Bog "motri" Sebe.

A, majka Svetih imama je Fatima a.s., te je to šerijatski obzir, jer ženidba (odnosno udaja za Imama Alija a.s.) spada u šerijatske dužnosti. Ukoliko bi Vilajet pao na zemlju došlo bi do spajanja ljudskog i božanskog u ljudskoj osobi što je

sa stajališta Islama nezamislivo. Čovjek ostaje čovjekom. Kraj ajeta kaže kako je Bog prema ljudima "blag i milostiv". Nije rečeno prema "muslimanima" ili "vjernicima", već upravo ljudima, jer Božija milost obuhvata sve, a kako Vilajet 12 Imama opseže sve, svaki čovjek može biti njihov sljedbenik.

TARIKATSKA SVJETLOST FATIME a.s.

Ajet 22, sura "Vjernici", sura 23.

Ajet 22: "i na njima, i na lađama se vozite".

"Vožnja" je put. Ovdje je to duhovni put, te je u pitanju tarikati Fatime a.s. Prethodni ajet (21) kaže: "I stoka vam je pouka: "Mi vam damo da pijete ono što se nalazi u utrobama njezinim, i vi od nje mnogo koristite i vi se njome hranite".

Riječ "mlijeko" je izostavljena i rečeno je "pijete ono što je u utrobama njezinim". Poslanik a.s. je znanje uporedio sa mlijekom, te se ovdje nedvojbeno radi o mlijeku. Ali u pitanju je batin (skrivena iznutarnja spoznaja, a riječ ba'tn znači utroba). Ovo kazuje kako je najbolji put onaj koji je skriven. To potvrđuju i riječi hadisa - "Čuvanje tajne je sunnet Gospodara". Kao što je šerijat za vanjsko, tako je i tarikati za unutarnje. Mnoge koristi i ishrana (stokom) jesu mnoge marifetske koristi.

Iza toga, ajet 22, vidjeli smo kaže kako se "na njima i na lađama vozite", a što smo već pojasnili. Duhovnjak najprije mora ovladati svojom životinjskom prirodom, jer je stoka pomenuta prva, a lađe druge. Zbog toga, Muhammed a.s. kaže: "Bogobojazni je zauzdan" - dakle, upravlja svojom životinjskom dimenzijom. Tek kada to postigne uspinje se na lađu Ehli-Bejta, te nastavlja svoju "vožnju", odnosno tarikatsko putovanje.

MARIFETSKA SVJETLOST FATIME a.s.

Sura 29, ajet 65, "Pauk" - 69 ajeta.

Ajet 65: "Kada se u lađe ukrcaju, iskreno se mole Allahu, a kad ih On do kopna dovede, odjednom druge Njemu ravnim smatraju".

"Lađe" su, znamo, 14 Bezgriješnih, a s njima plove inicirani duhovni putnici. Moljenje Allaha dolazi odmah nakon ukrčavanja kao što iznad Ehli-Bejta i nema ništa sem Allah Uzvišeni. Upravo zato je naglašena iskrenost, jer "malo je iskrenih među robovima Mojim."

Vidjeli smo kako je Imam Ali na kopnu. Kada ih Allah dovede do kopna, odjednom druge Njemu ravnim smatraju.

Marifetsko tumačenje ovog dijela ajeta jeste u tome da oni ne smatraju druge Bogu ravnim bukvalno već su Ali i ostali Imami Božanska ogledala, te su "ravni" s Bogom u spoznaji samog Allaha, jer je "spoznaja Imama spoznaja Allaha", a Imami su "drugi" u ajetu 65.

O tome (ponovo) govori zbir cifara ajeta 65,  $6+5=11$  Imama, dok je Dvanaesti u Gajbetu.

HAKKIKATSKA SVJETLOST FATIME a.s.

Sura 30, "Bizantinci", ajet 46.

Ajet 46: "Jedan od dokaza Njegovih je to što On šalje vjetrove kao nosioce radosnih vijesti, da vam da milost Njegovu osjetite i da lađe voljom njegovom plove i da iz obilja Njegova stječete, i da biste zahvalni bili".

Dokaz Njegov ovdje je Fatima a.s. kao nositeljica radosnih vijesti o Svetim Imamima, dok vjetrovi ukazuju na oplodžavanje, a milost je Imamet. Imami nemaju svoje volje, njihova volja je volja Božija, te je zato naglašeno lađe plove voljom Njegovom.

"Obilje" je Vilajet Čiste Kuće, a kako nema veće blagodati od te nema ni veće zahvalnosti od zahvalnosti na stečenu Vilajetu Kuće Čiste.

HAKKIKAT IMAMA HASANA a.s.

ŠERIJATSKA SVJETLOST IMAMA HASANA a.s.

Ajet 31, sura "Lukman", ajet 31.

Ajet 31: "zar ne vidiš da lađe Allahovom milošću morem plove da bi vam pokazao neke dokaze Svoje? To su, zaista, pouke za sve strpljive i zahvalne!"

Vidimo kako lađe Ehli-Bejta a.s. u ajetu Allahovom Milošću plove a upitni početak ajeta ("zar ne vidiš") ukazuje da je šerijatska zbilja Imama Hasana vidljiva i pošto je šerijat zakon za fizičko, on je dostupan svim ljudima. Upitnost je kako vidimo povezana sa plovidbom lađa Ehli-Bejta i to Allahovom Milošću, a kako prema Kur'anu Božija Milost "obuhvata sve", sve zapravo i živi po šerijatu (izuzev dijela džinna i ljudi). Lađe plove Allahovom Milošću "da bi vam pokazao neke dokaze Svoje". Dokazi jesu Sveti Imami, a "neki" (od njih) jesu Hasan i Husejin, koji su bili braća, a Husejin a.s. je nastavio misiju Hasanovu a.s. Još dok je Imam Hasan bio dijete, Allahov Poslanik a.s. je rekao: "Možda će njegovim posredovanjem Allah izmiriti dvije velike skupine muslimana", a što se i obistinilo Hasanovim a.s. pristajanjem na mirovni ugovor sa Muavijom. Imami su dokazi božiji stvorovima njegovim i ajetom 31 su pokazana 2 dokaza Božija, Hasan a.s. i Husejin a.s.

Ajet 31 sure "Lukman" završava - "To su zaista pouke za sve strpljive i zahvalne".

Hasanova i Husejinova misija su "pouke za sve strpljive i zahvalne". U Kur'anu se spominju listovi, cijenjeni i čisti, što je Ehli-Bejt, te se kaže: "Pa ko hoće poučice se", i ovo je pouka iz ajeta 31 sure "Lukman".

A pouka se, kako ajet 31 nastavlja, odnosi za "sve strpljive i zahvalne". Nisu spomenuti stepeni strpljivosti i zahvalnosti. Ovo zato je oboje prema Poslanikovom iskazu uključuju cjelinu vjere a cjelina "trpi" sve obzire strpljivosti i zahvalnosti. Poslanik a.s. je, naime, rekao: "Vjerovanje se dijeli na dvije po-

lovine, strpljivost i zahvalnost". Strpljivost je spomenuta prva jer, ako neko može da se strpi na neugodnost, zacijelo će biti i zahvalan Allahu nakon što je od njega otklonio to iskušenje.

#### TARIKATSKA SVJETLOST IMAMA HASANA a.s.

Ajet 12: "Ni dva mora nisu jednaka: jedno je slatko i prijatno - voda mu se lahko pije, a drugo je slano i gorko; vi iz svakog jedete svježije meso i vadite nakit kojim se kitite; ti vidiš lađe kako po njemu sijeku vodu da stječete iz obilja Njegova, da biste bili zahvalni".

Ovdje se jasno vidi razdvajanje vjere na šerijat, koji je slatko more, čija se voda lahko pije, te tarikata, čije je more slano i gorko. Islam je, shodno hadisu "laka pravovjernost", te je ovo voda koja se lahko pije iz slatkog i prijatnog mora (a što je šerijat).

Dakle, nema gorkog ukusa jer ono što se lako usvaja i što je slatko i prijatno ne izaziva gorčinu. Slano i gorko more je tarikata i duhovni put koji zahtijeva "cijelog čovjeka", a što je po prirodi gorko jer požudna duša daje otpor takvoj nakani.

Usljed velikih iskušenja duhovnjak (u početku putovanja) neminovno ispija čaše gorčine. Međutim, iz svakog mora se vadi svježije meso, što su uvijek novi sadržaji Kur'ana, shodno potrebama tog vremena. Sadržaji su naravno nova tumačenja, a ne izmjene Svete Knjige.

"Nakit kojim se kitite" jesu upravo "nova" tumačenja shodno zahtjevima i potrebama vremena a što su ukrasi tog vremena, odnosno "nakit".

Lađe Ehli-Bejta po moru sijeku vodu a rasijecanje označava precizno razdvajanje od drugih pravaca, dok "stjecanje iz obilja Njegova" jeste Vilajet Svetih Imama.

Kur'an kaže kako je među robovima Božijim "malo zahvalnih", što će reći



malo onih koji razumiju Vilajet 12 Imama, a kako Kur'an podstiče znanje, on govori u pravcu očekivane zahvalnosti, što će reći i spoznaje ("da biste zahvalni bili").

#### MARIFETSKA SVJETLOST IMAMA HASANA a.s.

Sura 36, "Ja'sin", ajet 41.

Ajet 41: "Dokaz im je i to što potomke njihove u krcatim lađama prevozimo".

Imam Mehdi a.s. je nestao u dobi od 5 godina i time je počela mala skrivenost. Ukoliko broj 5 dodamo na redni broj sure "Ja'sin" (36), dobit ćemo tačno broj (ajet) 41, koji razmatramo ( $36+5=41$ ).

Imami su dokazi božiji Stvorovima njihovim. A dokaz iz ajeta 41 je Imam el Mehdi a.s. Poslanstvo je počelo u četrdesetoj godini Muhammedovoj a.s., a Mehdi kao Pečat Muhammedanskog Vilajeta se nadovezuje odmah na Poslanstvo, jer poslije Muhammeda a.s. više nema Poslanika, te je dakle  $40+1$  (Mehdi)=41, a to je redni broj ajeta kojeg razmatramo. On vodi svoje sljedbenike na krcatim lađama, jer kao posljednji Imam on je kormilar svih 14 lađi i prevozi duhovne putnike morima ezoterije.

#### HAKKIKATSKA SVJETLOST IMAMA HASANA a.s.

Sura 40, "Vjernik", ajet 80.

Ajet 80: "Vi od njih koristi imati i vi na njima važne potrebe ostvarujete - i na njima i na lađama se vi vozite".

Poslanstvo Muhammedovo a.s. je počelo u njegovoj 40-toj godini života. Ako taj broj saberemo sa samim sobom, dobit ćemo broj 80, ( $40+40=80$ ), a što je upravo broj ajeta marifetske lađe Imama Hasana a.s.

Ajet 79, sure "Vjernik" glasi:

79: "Allah je za vas stvorio životinje, da na nekima jašete, a da neke jedete".

Vezano za jahanje, Poslanik kaže: "Duša ti je jahalica, pa budi joj nježan", jer grubost može upropastiti dušu. Srdžba i požuda su snage životinjskog duha, a važne potrebe su duhovno uzdizanje i podčinjavanje srdžbe i požude. Riječ je o samostalnom usponu a "vožnja" se kasnije nastavlja na lađama Ehli-Bejta a.s.

HAKKIKAT IMAMA HUSEJINA a.s.

ŠERIJATSKA SVJETLOST IMAMA HUSEJINA a.s.

Sura 42, ajet 32, "Mekka", 53 ajeta.

Ajet 32: "Jedno od znamenja Njegovih su lađe nalik na brda koje morima plove".

Znamenja su Muhammed a.s., Fatima a.s. i 12 Svetih Imama a.s. Oni su znakovi Božiji na Zemlji Njegovoj. Lađe su opisane nalik brdima, a za Izraelićanski narod Kur'an kaže kako "smo iznad vas brdo podigli". Ovo ukazuje na odabranost Porodice Poslanikove u odnosu na ostale ljude analogno činjenici da su Izraelci u drevno vrijeme bili odabrani narod. Kao što je brdo podignuto iznad Jevrejskog naroda, tako je i lađa Ehli-Bejta (poput brda) podignuta iznad ostalih stvorenja. Oni su bili superiorni drugim ljudima još u utrobama njihovih Svetih majki. Brdo podignuto Izraelcima je bilo zavjetno brdo a lađe Ehli-Bejta su zavjet Svetim Imamima. Kako zavjet ne ostaje samo na riječima (već je potrebna i praksa), ovo ukazuje na šerijatski nivo.

TARIKATSKA SVJETLOST IMAMA HUSEJINA a.s.

Sura 43, "Ukras", ajet 12, "Mekka", 89 ajeta.

Ajet 12: "Onaj koji stvara stvorenja svake vrste i daje vam lađe i kamile da putujete".

Ajet je rednog broja 12, što ukazuje na 12 Svetih Imama i svi su "istekli" iz Husejinove svjetlosne kičme, a "stvorenja svake vrste" jesu milioni svjetova podignuti iznad našeg svijeta. Zatim se u ajetu kaže kako nam Allah daje lađe i kamile da putujemo. Ovo je putovanje Njemu, odnosno tarikatski nivo. Najprije su spomenute lađe (Ehli-Bejta), što je obzir iznutarnjeg (tarikatskog) putovanja jer Vilajet Svetih Imama je poput jezgra ploda, a vanjsko slovo Zakona (šerijat) je poput omotača (ljuske).

Ovdje su za ono vanjsko (šerijat) kako su dobijene kamile, kao simbol izdržljivosti, jer je potrebna izuzetna izdržljivost za primjenu šerijata usljed otpora negativnog "ja", strasti duše, te šejtanskog spletkarenja. Uloga Zakonodavnog Poslanika je primanje i dostava Objave (ta'nzil), dok je uloga Imama unutarnja hermeneutika (ta'vil).

#### MARIFETSKA SVJETLOST IMAMA HUSEJINA a.s.

Sura 45, "Oni koji kleče", ajet 12, 37 ajeta

Ajet 12: "Allah vam daje da se morem koristite da bi lađe, voljom Njegovom, po njemu plovile, da biste mogli tražiti blagodati Njegove i da biste bili zahvalni".

Ajet je rednog broja 12, što ukazuje na 12 Svetih Imama a.s. More Božije milosti se vidimo definira kao korist jer je sve stvoreno zbog i za čovjeka. Dalje se kaže: "da bi lađe voljom Njegovom, po njemu plovile".

Svaka od 14 lađi, znamo, predstavlja po jednog od Bezgriješnih (Muhammed a.s., Fatima a.s. i 12 Svetih Imama), i oni se ne pokreću svojom, već Božijom voljom, a sukladno Kudsi hadisu kada Uzvišeni Allah kaže: "... kada zavolim Svog roba, Ja bivam njegov vid, sluh, ruka, noga...". Ovo znači da je pokret tako (Bogu) bliskog sluge Božiji pokret.

Ajet zatim nastavlja "...da biste mogli tražiti blagodati Njegove i da biste bili zahvalni". Razgovarajući jednom sa Ebu-Hanifom, Imam Sadik a.s. je kazao: "Čuo sam da Božiju blagodat spomenutu u Kur'anu tumačiš kao hladnu vodu

i ukusna jela?" (riječ je o ajetu "... pa ćete za blagodat biti pitani sigurno"). Ebu-Hanife je rekao: "Da". Na to je Imam Sadik uzvratio: "Zar misliš da bi Bog darovao hranu i piće ljudima i onda ih zvao na odgovornost zbog toga?" "Ne, blagodat za koju ćete biti pitani je Imamet" (odnosno Vilajet 12 Svetih Imama).

Prema tome, traženje blagodati jeste traženje Poslaničke Kuće, a redni broj ajeta (12), vidjeli smo, jasno ukazuje na 12 Imama (sura "Oni koji kleče"). Na kraju se kaže: "i da biste bili zahvalni", a zahvalnost na blagodat Vilajeta treba da bude najveća zahvalnost.



## HAKKIKATSKA SVJETLOST IMAMA HUSEJINA a.s.

Sura 55, "Milostivi", ajet 24.

Ajet 24: "Njegove su i lađe koje se kao brda visoko uzdižu"

Ajet je rednog broja 24, što dakle, uključuje 12 zemaljskih i 12 svjetlosnih osobnosti Svetih Imama. Ajet počinje konstatacijom da su lađe Allahove. Sve što postoji je Božije vlasništvo i ovo naglašavanje govori o poretku stvari u očitovanju Bitka jer su Sveti Imami samo Božiji. I sve ostalo je isključivo Božije, ali su Imami samo Božiji, u smislu bliskosti Njemu, jer je sve stvoreno za njih i po njima. Ovo potvrđuje nastavak ajeta ("koje se kao brda visoko uzdižu"), što ukazuje da su oni uzdignuti na položaje iznad drugih stvorenja, kao što su brda uzdignuta u odnosu na more ili ravnicu. Ovo uzdignuće Ehli-Bejta nad ostalim stvorenjima i jeste hakkikatska zbilja Imama Husejina a.s., jer su svi Sveti Imami istekli iz njegove svjetlosne Kičme.

U ovoj suri ("Milostivi") počevši od ajeta 13, pa do kraja sure se ponavlja ajet: "Pa koju blagodat Gospodara svoga poričete?" Ovaj ajet se u suri "Milostivi", koja ima ukupno 78 ajeta ponavlja 28 puta, što ukazuje na smrt 11-tog Imama Hasana al-Askarija a.s. koji je umro u 28-oj godini života kada je počelo i skrivanje njegova mladog sina Imama Mehdijs a.s. Znači, blagodat Vilajeta Imama, a u ovom kontekstu blagodat Okultacije Imama Mehdijs je ono što se poriče. Okultacija je prenošena cijelim lancem Ehli-Bejta (odnosno znanje o njoj), o čemu govori redni broj ajeta kada se prvi put pominje poricanje blagodati, a to je ajet 13, što predstavlja Muhammeda a.s. i 12 Svetih Imama a.s. ( $1+12=13$ ).

Ovim završavamo razmatranje riječi lađa, odnosno 16 spominjanja te riječi u Kur'anu, 4x vezano za Imama Alija a.s. i 4x vezano za Husejina a.s., te Fatimu i Hasana ( $4 \times 4 = 16$  lađi).

Broj 16, vidjeli smo, uključuje šerijat, tarikatu, marifet i hakkikat četiri Svete Osobe.



## SRCE I TALASI

Zbir ajeta u kojima se pominje riječ "lađa" je broj 1125. Lađe putuju ezoteričnim morima srca izbjegavajući potapanja koja nameće ego, nefs i strasti. Zbog toga je kapetan svakog od brodova po jedan od Svetih Imama; odnosno po jedan član Kuće Čiste.

Duhovnih tragača u svakom dobu (na lađama Ehli-Bejta a.s.) ima 1125.

Kada se srčana ophodnja oko svjetlosne Ka'be završi (a to je završetak Puta i stupanje na postaju duše savršene), na lađu Ehli-Bejta se uspinju drugi putnici. Broj 1125 je sastavljen od broja 1000 (što je jedan Božiji Dan), broja 100 (što predstavlja broj Božijih Imena), te broj 25 koji predstavlja broj još nepoznatih dijelova znanja.

Imam Džafer Sadik je rekao: "Znanje se dijeli na 27 dijelova. Samo će 2 dijela biti poznata do Obznane Imama Mehdiya a.s. On će, kad se pojavi obznaniti još 25 dijelova i pridružiti ih ovim dvojema poznatim".

Onaj koji je ozbiljio (u srcu) jedan Božiji Dan, ovladao sa 100 Božijih Imena, te 25 dijelova nepoznatog znanja je ronilac u ezoteričnim morima kojima plovi Nuhova, odnosno lađa Ehli-Bejta a.s. Na svih 14 lađi duhovnjaci koji plove su na srcu jednog od Bezgriješnika (Muhammed, Fatima i 12 Imama). Vidjeli smo kako se kaže "da jedan Dan u Gospodara tvoga 1000 godina traje", "po vašem računanju vremena".

"Naše", pak, računanje vremena može biti povijesno (na osnovu kretanja sunca) i ezoteričko. Spomenut je dan, ali ne i noć. Dan traje 12 sati što je sukladno sa 12 Imama, jer "ko spozna Imama spoznao je Allaha". Na to se nadovezuje spoznaja 100 Lijepih Božijih Imena. Božiji Poslanik je rekao: "Allah ima 100 Lijepih Imena. Ko ih postigne, ući će u džennet". Allahov Poslanik nije rekao "ko ih spozna", već upravo ko ih postigne, jer se to postignuće nadovezuje sa

spoznajom 12 Svetih Imama a.s. Da je tako, navode brojni hadisi Imama, gdje oni kažu: "Mi smo lijepa Allahova Imena", a ona se ne postižu pregnućem, već odlukom samih Imama, koju su kazali da "tešku i otežanu stvar Vilajeta može nositi samo onaj koga oni odaberu, a njihov odabir je postignuće sljedbenika (do kojega on ne dolazi vlastitim trudom).

Nuhova lađa je, prema Kur'anu, pristala na planinu el-Džudi, a "Džud" ukazuje na plemenitost (odatle ime Dževad-velikodušni).

Velikodušnost Imama spram sljedbenika ostaje do Sudnjeg Dana, baš kao i spasenje za svakog ko se popne na lađu Ehli-Bejta.



Nema snage, niti moći, osim kod Allaha Uzvišenog







## LJUBAV

Daljina je ne umanjuje, niti  
blizina uvećava, rasipa se i oplemenjuje,  
jer dobrota nikada nije dovoljna sebi.

Sve što je bremenito vanjština strpljivo  
čeka, da se obznani svijetu i izide iz  
ljuštore samozatajenosti, jer primjer  
slič primjeru drugom i zato poučava.

Poput Nuhove lađe, ljubav prelazi mora  
mnoga, gledajući u Sunce, svjetlost  
iz koje je istekla i nikada ne obznanjujući  
više od onoga što pokazuje.





## Sadržaj

|                         |    |
|-------------------------|----|
| Snaga ljubavi .....     | 9  |
| Nuhova lađa .....       | 25 |
| Srce i talasi .....     | 39 |
| Ljubav .....            | 49 |
| Bilješka o autoru ..... | 94 |

Jasminko Šarac rođen je 1961. godine u Stocu. Studij sociologije završio je na Fakultetu političkih nauka u Sarajevu. Godine 2001. u izdanju izdavačke kuće DID, objavljuje svoje prvo djelo *Noć mrtvih*. U januaru 2004. godine, u izdanju BZK Preporod Stolac, izlazi zbirka poezije *Melanholija u plavim daljinama Ferare*, potom, u februaru 2005. godine, *Kristova nevjesta*, njegovo slijedeće nadahnuće, također u izdanju BZK Preporod Stolac. Slijede *Ljubičica Kazablank*e i *Svijetlost Betlehema* 2006. godine, zatim *Bošnjak* 2007. godine, *Pero i skrivenost* i *Put u Magdalu* 2008. godine, *Kapije čistih* 2009., *Tajna svetog imena* i *Keopsova poruka* 2010. godine, *Fakir* 2011. godine, *Kalki Avatar* i *Imhotepov nestanak* 2012. godine, *Provincijalac* 2013. godine, *Hramovi mudrosti* i *Stolačka bohemija* 2014. godine, i napokon, pred nama je *Nuhova lađa*.